

蒼龍廣録

5  
3  
7/4

館書圖京東				
五	八	三	五	
冊	號	架	函	類
				門

019707-004-8

5-81

蒼龍廣録

今北 洪川 / 著

M25.3

ABG-0507



蒼龍廣錄卷之四詩偈部

蒼龍窟洪川老師著

參學 某等



投機偈

阿堵中向誰多謝去。好媒主人公。

偶成八首

交學為家詩作朋。危哉驛馬上。水稜一朝忽破井。蛙見百萬典經日。下燈。結句。師投機時。面口唱。唱也。後

王老解詩不解真。長松蔭裡愛無塵。山僧別有諦當處。青眼看他世上人。

一自埋頭羣社塵。焦腸苦思幾昏晨。休言佛法無奇特。喫飯噉眠不倩人。

禪門曠濶沒人通。擬度關山摩碧空。誰識巖棲樹居意。元存白浪漲天中。

無事誤為貴人會。避煩強鎖六根門。請見潺潺湍湍裡。月百千光碎影全存。

午烟橫竹何來影。鶯曲透窓全是風。人若問吾心印趣。口中無舌眼無瞳。

忘却東西南北。無端入德門開。先王宮庭平坦。世儒植棘築堆。

大死中得大活。林花笑。山蜂游。三千佛七聖者。幅湊面前伏頭。

1928/XXV

寄浪華舊友

刻舟守杙月諸深。艱苦光明同古今。他日試敲相國寺。松嵐颯處是吾心。

送禪磨道友還豐后

漢水南浮九州路。春帆細雨入天眞。誰知七尺連單日。既是三千隔里人。

省桑梓下澗水舟中書喜

去年太息叩舷人。豈料今爲不老身。十里秋光親送我。蘆香風穩浪華濱。

萬山僧堂守歲

江湖頻值歲星移。真率風流趣亦奇。茶罷浮邊鑿僧井。梅花深處築神祠。鑿井築祠。皆當制中作工。既

投雲水爲閑客。好做鶴鷄安一枝。畢竟修禪何事益。今宵高枕笑吟詩。

弘化乙巳新正二日雪

選佛場中學赤貧。三杯茶粥祝新春。今朝却訝蘿窓富。滿木瓊瑤滿苑銀。

自山階白鶴寺歸途中

雨後京城外。泥鞋深馬渚。澁溪逾却滑。清水寺漸冥。禿樹監田局。孤梅護野肩。風煙吹斷處。疊疊暮山青。

弘化丙午三月四日拜觀

光格天皇御送葬

龍體今宵辭玉墀。哀哀牛挽乘輿運。炊煙不見家十萬。蘭麝香風一路吹。

翌日口占

欲值長生不死春。懸厓撒手絕心神。空華界裡期何樂。天子已爲山野塵。

鞍馬山採薪大傷脚次日自加茂歸途中太惱行吟自遣

痛傷脚版節爲脚。一里坦程如嶮難。元來爲法忘全軀。何半肢論安不安。

禮彌生佛

鼻間詡詡出胎門。指地指天稱獨尊。大小寧馨可惜許。古今難拭箇醜痕。

纔出胞胎著寶珍。私陀相罷淚如輪。看從放虎遺憂後。嚇殺乾坤無限人。

單坐偶懷

單上焚香坐。脫然塵俗中。深林無白日。疎牖有清風。志莫如堅固。業當思始終。雙親桑梓老。愧未報恩洪。

江州青土青龍寺武庫會分散日告別諸禪友

談兵一會數難逢。特添意氣下寶峰。勿道途中無道友。金風體露自相從。

歲晚

居處數移，雲水身。三衣一鉢亦從春。自嗤世上爛糜，日卻作閑窓兀坐人。

丁未元旦

又遇萬年山裡春。幾條瑞霧透松筠。此嶠殊好來賓，異地近禁門。多縉紳。淨域春回百八鐘。翠光新滴萬年松。佳哉瑞氣祥雲裏，含笑天台山幾重。

從師命將赴黃薇，下萬山即事。

躬元如在鼓聲中。著鎧寸衷悉氣雄。朝鮮相國浮西海，傳策猶吟御柳風。

途中答人問佛法

來處本無況去程。如如真佛不虧盈。紫磨金色君休性，昨日舟行今陸行。

登摩耶山

切利雲深幽石遮。老松古檜影橫斜。捏怪世尊說何法，汗衫絞汗上摩耶。

圓山虛堂錄會雨安居。在僧堂降龍潭偶成

佛祖言經熱碗鳴。聖賢文學緊伽黎。松堂影冷閑眠足，隔竹時聞流水聲。

題列禦冠像

果然冷豕若冷人。彫琢三年復朴人。孔子莊嚴君脫體，二賢相和錯仁人。

丁未雪安居。棲梧老師應木國禪林寺之請。一衆移錫。便路余狂，途登高野山。拜

弘法大師廟香語

南來轉杖上孤峯。觸處肉身三昧蹤。水送凄寒響幽石，雲催急雨透長松。一千古廟常燈火，八百溪房破曉鐘。遍照金剛那箇是，喬杉交影冷如冬。

過桑梓

東去西來沒來去。歸家不改舊時情。誰知這裏風光別，多少塵談更又清。

應需題孫叔敖擊兩頭蛇圖

雲影慘淡野徑斜。草底瞥見兩頭蛇。人經一視皆即死，箇子弱腕把策遮。毒舌吐處一擊殺，汝然謂母淚如線。陰德陽報似糾纏，好爲生民絕驚眩。到底古今循吏魁，小少猶有此卓見。

游五竹菴戲書贈菴主

江南紅塵裡。占閑養素神。風雅桃青轍，洒落林宗巾。扁字題五竹，園趣見天真。薛石凹灑水，花樹凸迎賓。都下風騷客，來往時頻頻。菴門不寂寞，冬夏常如春。

自田口至圓龜舟中

萍游到處勝忘吾。一任春風誘引徂。鼉背城樓雲未壞，瑜珈峯塔日如趨。掠波白鷺歸帆影，落渚紅霞下戰途。世界恁麼好風景，蓬底大坐笑胡盧。

始拜講象峯降神觀

尋聲救苦搏桑州。神德和塵明又幽。賽酬一句如何舉。峯頂春寒望似秋。

八島懷古

一自九郎振殊勳。赤塵委水亂紛紜。今經此地思當日。慘惻悲風暗海雲。忽著戎衣殲賊臣。禁門獻醜雷聲新。難何命數乘除事。亦作踟天踏地人。

入阿波

南去四州穿彩霞。飄然行李入阿波。此地始知陽和早。梅花未零見桃花。

若州港禪人居。常以簡事爲念。孜孜兀兀。數年如一日。今也師翁以病召。將下還故。

山侍本師病。予感其道念之厚。兼孝情之切。聊綴平仄。以充驢別。

胸襟擁重。奈難披。同叩玄扉。倚翠微。臨別不要容話。隨荻風桂露。送君歸。

院侍交代偶成

牧雲菴畔閑雲起。縹縹從風飛。護峯憐汝去來無滯碍。片影又掛栗棘叢。

奉命將赴豫州。佛心寺碧巖會。拜別老師。

頑雲元自任西東。高尙耐依舊。古桐不釘不懸。沒蹤跡。又過別國。逐春風。

至圓龜舟中

海門雨歇放孤篷。帆影如飛浦浦風。一睡醒來雲嵐暖。小芙蓉出遠波中。

順州山有小富士

再上象峯

坐斷象頭第一峯。號令寰海不針容。擬知度馬處。雲鎖神觀影幾重。

宿碑殿成就寺。拜涅槃像

點檢鶴林當日事。愁容狼藉淚闌干。袈裟故戴春風手。又使兒孫毛骨寒。

佛心寺分散日。宿入野邑宰家。口占

暮春無處不飛花。我亦分離趁彩霞。同道相知幾人在。等閑投宿邑宰家。

三上象峯

歛將南海十分春。三仰象峯德化新。不著境來不神着。又非吸翠拾芳人。

送智誠禪人還豫州。州有石鐵山。頗岿嶮。行路所望。

七里海分三里山。鐵鞋金錫好來還。嶙峋無限天邊翠。掬慰師翁老后閑。

送善愚禪人游方

曹源一滴下林樾。映月和風行色寒。這箇由來流不盡。期歸東海起波瀾。

歲旦侍老師

跋涉多年危起居。近來殊覺世情疎。師翁膝下迎春日。雲餅十杯腹若豬。

寄淨心菴主禪超尊者

月印澄潭絕比倫。塵塵三昧度幾春。寒山忘却來時路。莫是淨心菴裡人。  
在護峯延壽堂養病漫吟八首

警蹕聲聲滿院恬。羽衛整列極森嚴。一時窮達一場夢。孰與放身打黑甜。國侯館寺。  
蚊蠅撩亂咬肌飛。把扇頻頻懶一揮。不如委肉投飢餓。垢面蓬頭閑衲衣。金甲島。備前兒島之名山。  
金鳥從來如熟友。朝看暮對慰清閑。近日山容帶愁立。相憐同病不開顏。萬歲峯。南秋夜長。源寺。後山。  
不論家舍兼途路。一臥三旬消二光。洛陽城北音書絕。萬歲峯南秋夜長。

一把茅舍是延壽。病僧瘦屈具去就。個中一事有過分。全脚鑷內煮黑豆。  
昨日今日又明日。晴天雨天或曇天。喜悲嗔笑巧先後。誰在帳裡作周旋。  
引磬拈槌鼓。與鐘鳴。來鳴去了幾夕。只這放臥懶眠。僧空送光陰。今宵亦。  
內觀不似無觀好。我有病根難剪除。放參一劑十分用。閑却夜船閑話書。

恙病快復

暑陰空費幾寸壁。米粒喫來須彌山。幸有我儂還債手。揮臂一游毒浪間。

題秀圓寺庭前老松

衝昊穿雲氣象豪。孤標磊落又蕭騷。崢嶸已帶千年翠。浩蕩更含萬頃濤。白鶴眠時雪  
殘杪。玄龍臥處月臨臯。憐君長脫塵中態。獨向禪關守節高。

有僧一日携泉之斷甃。詩集一冊來。際予集中有讀阿之玉潤禪師詩集之作。愚  
弄甚矣。予冷笑掩之。私賦以備僧言玉潤之故及。

禪叟多看世叟吟。儒僧却莫世僧吟。經談饒有生公辯。鴉臭難何白老吟。

送董禪人還萬年

幾回揮臂度重關。烏藤橫攜歸故山。向去卻來無別事。光源依舊月彎彎。

無方老人自嗜吹簫。又打書。共入其佳境。野拙幸隣高林。辱交二十年。一日投自  
書。肖像屈尊。而命題辭。予不斐何敢當之。再三固辭而不賜。許可。竟綴數字。以塞  
貴實耳。代人

無方老子吹無相。簫悠悠然其貌。峩然其調。逍遙物外無暮。無朝。希聲曲了。大坐雲綯。  
漣。堪對暮雲歸未合。遠山無限碧層層。

次韻達禪人送別

曉叩蓬門至窓白。白聽君造詣。眼先青。丈夫不入非常浪。他日分明徑與庭。

逾老阪即事

今辨函丈。昨家門。子細看來不住痕。餘雪三竿流旭影。行雲一片透山村。

訪養仙寺

在丹波。昌山和尚。隱房。

河梁以來近二十年。君在丹丘我備前。破笠訪來山麓寺。燈窓話盡雷因緣。  
壁柱掛一聯。曰。君是萬年第一梅云云。有感步韻。

隴上鮮妍一朵梅。早占春氣已全開。不如幽谷群松裏。磊落晚成萬樹魁。

次昌山和尚韻

旭影穿林入座暄。黃鸝相喚透茅門。開窓堪對春風裏。青靄輕埋桃李村。

佛滅日。投宿大目長福寺。對涅槃尊像而睡。翌曉口占。

佛滅以來幾夏冬。日曛主杖宿山窓。噫眠人與涅槃客。共覺溪房破曉鐘。

二月十三日邂逅澧州蘆能禪人于京師。同去投宿丹之養仙寺。一宵剪燭打話。

翌日禪人有事赴黃薇。予赴天橋。臨分袂。聊書燕辭以贈。

包笠同辭京洛中。為孤成伴度蒼空。十年俱嗜簞瓢飲。一別何及牛馬風。臘雪半融交澗水。春禽數喚透庭松。衲僧贖物非些子。笑指西南山幾重。

奉和棲梧老師智恩寺晉山之尊韻

南走北奔幻夢中。無端擲著梵王宮。文殊來也春光好。且卸腰包立下風。

世谷山成相寺眺望天橋

一灣蒼海漾虛碧。兩岸春山引亂青。巨耐天橋雨過後。松蘿六里夕陽青。

相國開山七朝帝師五百遠年齋。於三月晦預修之。予趣丹陰不能會大齋會。本日在丹州途中遙想其盛事。謹綴拙語以奉報九牛之一毛。

真覺心宗七帝師。探支五百正斯時。途中何事堪供養。躑躅拈來噓一吹。

奉省無為先師即書呈

師恩廣宏以何償。重若泰山輕似毛。倘取人情論我事。抱胸失笑盡十方。

奉次韻盈冲長老相國開榛國師大遠忌拈香

源出龍窟毒浪禪。扶桑潑去惱人天。而今正法澆衰日。情骨猶寒五百年。

奉廣韻普明國師四百五十年遠諱拈香

妙喜後身僧錄祖。大旗全弄萬年規。由來文武炎炎火。炙地薰天無盡時。

梅雨。徒然而坐。有人携狸奴鼓腹書來乞詩。走筆戲題。

穴居行怪小生涯。憐向面前打腹鼓。戲引狸毫消寂寥。滿窓雲暗黃梅雨。

次韻文裔和尚見寄

欲喫諸方五味禪。臥雲枕石幾山泉。願輸四誓君無念。冀再盤山牀蓐連。

國相寺普明錄雨安居。在雲泉院過夏。解制日書喜呈雲泉下完首版。

眠遍東西數處山。歸來養拙翠筠間。安居九十無屋事。幸對雲泉共樂閑。

同會中偶成

光陰一夏消幾壁。米粒數來如大山。破口休言飯錢事。朝昏打盡閻王顏。

自京歸備。先訪淨心尊者即事

暗路貪程敲柴房。幽談芳話對星光。師通天眼如後我。飯有沸茶浴有湯。

送相州梵珠道友赴峨山

靈龜山上曉。萬歲嶺前鐘。一日三秋處。分明同一缸。

予曾游寧洛。頗愛其地之幽雅。今也八雲之桂禪人。携三笠山圖來求題字。予忽發當日清賞之念。因引筆。

踏遍南京紅葉路。笠山對月坐宵深。峰頭松樹溪邊鹿。都是野僧舊賞音。

圓山一衆蒙官許。分鉢于封內。諸郡限以七日。予往與郡。到五明村卒業。口吟。

七莫行乞立茅門。落日江鄉黃葉原。幸趁晴光雲步穩。秋風吹斷五明村。

曹源高徒維凡首座。應請于山內。長泉菴轉位。法山第一座。字曰笠仙。因頌道字。

表賀悰。

西土風規全體別。誰論無聖覓知音。曹溪波浪深千丈。起自大悲一點心。

甲久山用貞法橋。曹源寺行者位頭

浮生六十六年。夢忽破黃梁半熟辰。人間歲晚爛糜日。高枕閑迎常樂春。

僧堂歲旦

破衲春回栗棘中。飽噉雲餅氣如虹。自今三百六十日。好震威雄向大蟲。

送但州至道上座得本師之訃音還故山用棲梧老師香語聲韻與泰山雁谷寺徒

豈計大風驚衲衣。無涯鍾愛忽相違。與雲山下春寥寂。一樹老梅臘后飛。

送紀陽惠鈞禪人去京師養恙病上

抱病東去是阿誰。君自不知予不知。蘆岸霧收秋水瘦。稻田雨過曉雲披。

曾看林下參玄客。住院病痾多誤人。丈夫本志須堅持。生姜從來不改辛。

題墨蘭贈某道友

憐君深谷裡。潛驅貯芳氣。一旦風吹去。幽香滿大千。

悼無能家大人自東福會上。行看病。于時嘉禾壬子十一月也。

一夢茫茫卅七歲。半居教校半擔簦。莫供甘旨勤定省。徒着衲衣耽遠騰。生別箴言猶在耳。

家君訣別之言曰。備道眼不明而擁名。巨利我。有時為法振枯藤。家君豈是塵中物。喉

有終身之恨。為道洋。打殺我無些子之恨。素樂道時曲肱。割念愛兒一不執。續功烈祖百無能。七十六年栖栖過。恤孤願貧未敢

矜。不孝聞病。恹惶至十年。相見侍寢與。病茵坐警且笑。兒孫拳拳感服膺。須臾改容



俄爾逝。膝下幸有一笑，僧人卒確乎泰山，望嗚呼命哉頃刻崩。毫滴和泪，繼舊事。一夜悄然對靈燈。

東福寺選佛場歲旦

一轉乾坤春立來。大圓鑑裏絕纖埃。開山勅賜號曰珍重二百餘員衆。惠日毫光各自開。萬萬春風和面回。堂堂佛法與梅開。通天橋上尤佳絕。萬德莊嚴古梵臺。

制中偶感

虛應燈關過不惑。何輕開戶接天人。鍛鍊師風乘如土。堪嗤自了逸居人。

春日在護峰寄監司全愚首座

昨睡惠山今護山。痴頑劣避纏塵間。烟嵐無限曹溪裡。君自營營我自閑。

送雪澗和尚歸萬年

汲水採薪學赤貧。一年有半苦辛人。難何今借春風手。誘出龍章鳳彩身。

癸丑秋歸包入京口吟

幾回遊歷五湖岐。十歲始趨泉石飢。山愛歸雲徜徉暮。水憐初月曠曠時。幻中榮辱全空眼。實外毀譽亦粟肌。師病東存母西老。愧無一事慰芳思。

無能家大人小祥忘在桑梓炷香於九月二日錄

曾莫一時怡慈顏。久吟風月海西山。忌辰堪做東籬菊。幾陣清香匝砌間。

讀法華經二首

金口深深說。殘燈又拭明。空華看滅。真月坐邊盈。法以因緣有。相從顛倒生。讀終天漸白。窗外遠山橫。

從奪明珠佛髻中。寒毛難止鷲峰風。鳥聲山色本光瑞。一味蕭條立旭紅。

棲栢老師依事蒙。官怒費居在京道。友相讓使溫慰問焉。十二月廿六日發京師。晦日夕上護峰翌日則新春也。終日奉陪師翁點茶之筵。聊書喜。

舜老遭屯玉沒瑕。呆翁當貶豈咬牙。法王現下春風面。和氣萬然閑點茶。

林居偶作

圓陀友風月。塵事不遑求。林下閑多少。獨憐身自由。

寄獨園和尚

道德窮通不可知。出身多在苦辛危。冤前絕口南書記。毀底摧肝會監司。村犬野糜恰吾母。鳳雛驥子羨公師。燈邊屈指十年裡。誰是兄家鍾土期。

臨濟破夏

得髓正宗天地轟。相煎窮餓互相撐。分明再犯打爺罪。五逆兒孫自是生。

南泉遷化

好雨潤花洗紅臉。香風吹柳。梅新晴。酒帘輕動。青樓暮。公子惜春。驅馬行。

百丈再參

即此用。分離此用。振威。一喝定。要津。元由捏。殺鼻頭。其。離出耳。雙三日。人。

五祖牛窓樓

窗外因何。餘尾巴。東山。一接勝。關斷。叱牛還。它老農家。三尺竹鞭。猶恨短。

算出王家。摩尼寶。東山買得。一閑田。同來。既月人何處。風景依稀。似去年。

黃檗噀酒糟

噀酒糟。緣絕。向。樂。大唐國。裡。罵。癡頑。直將。塞。斷。齋行。口。兔角。龜毛。過。別山。

三聖與化出不出

朝三暮四。怒猿。公。朝四暮三。欣。祖。公。損益多。些。同一數。到頭。養得。靈猿。公。

白雲未

耳根喪盡。官商分。半。入江風。半。入雲。不觸。端。端。絕妙。手。人間能得。幾。回。聞。

風旛心動

是非風動。非旛動。美人。盤髮。立黃昏。含情。欲說。宮中事。鸚鵡。前頭。不敢言。

南泉一株花

天地同根。生小涯。南泉指似。一株花。洞中自有。仙養。別教。陸兒。初。咀。絳霞。

疎山壽塔

壽塔造來。費幾工。疎山買得。一文語。放光。古佛。龜毛。長。曾母。三言。都。機。杆。

趙州真佛屋裡

真佛屋裡。坐阿誰。截金鎖。離鷓得。得來。顛頂。老惠可。山僧若。傍觀。共。附。木。上。座。

東山水上行

諸佛出身何。所由。東山。暗號。塞咽喉。醉歸。扶。路。人。爭笑。十里。珠。簾。半。上。鉤。

洞山三頓棒

江西奔走。又湖南。大活棒。聲何。可。堪。大口。開。來。遲。八。刻。一。擔。飯。袋。已。知。慙。

倩女離魂

離魂那箇。是真底。純黑。貓兒。面貌。斑。王郎。會。合。為。明。白。幾人。按劍。腰。前。看。

趙州布衫

萬歸。一。歸。何處。鼓動。唇皮。耀。本。元。郝老。布衫。重。多少。半斤。八兩。盡。乾。坤。

風穴通不犯

語默離微奈不犯。電光石火得路行。賣娼歌妓愁花落。惜別俠兒驚鳥鳴。

犀牛扇子

鹽官扇破覓牛兒。無限清風誰自知。檻外柳絲粘不得。去來集散莫休時。

衣鉢如山不動

箇衣表信其重。如山非一明上座。三軍亦是蠟。

趙州勸婆

趙州解道勸婆子。一掃長空絕片痕。鳳釐不來春欲盡。空留鶯語到黃昏。

乾峰三種病

二種光身三種病。跛翁解道庵中人。鷓鴣林別有屠龍手。直使它無處隱身。

寤寐合一

消盡想陰演蹟。元來金口逞高韻。相逢若解不相知。一顆驢屎似馬糞。

甲寅春在萬年受峨山瑞應之請。臨下山。賦贈同盟諸禪友。

我期一錫朽林泉。請聘何圖驚懶眠。猥別僧倫弱冠後。數經法戰熱拳前。師恩難償河清日。友誼爭酬驢馬年。幸有嵐山堰江在。好尋花月賜瑤篇。

四月九日登龜山。呈無著老師。

元來馬骨弗求售。幸仰德音心緒休。旛影風涼寶幢寺。猊時聲震帝鏡州。庸才未夢生花筆。慈蔭狂憐散野牛。趨拜門庭曾幾度。不看今日鄙懷優。

昌怡藏禪自立讀書之課。日來質余。余疎懶依舊春睡已。賦謝。

東西到處睡林泉。情病難療二十年。多謝子來醒我夢。半聞呬語半牽眠。

鹿王院偶作

幽林聲冷標梅雨。猶擁春衣坐晚晴。始識峨山風物別。杜鵑黃鳥一時鳴。

青梅初熟色黃烏。尚清音日對嵐山翠。十年償苦苦心。

遊東山銀閣寺

曾愛東山新樹深。三十里外數幽尋。我居嵐峽飽看翠。堪笑野僧烟癖心。

堰江觀螢

山暮水鳴夜色微。撲螢人影黑依稀。僧家不慣搶生事。笑見飄飄脫掌飛。暮岸趁螢放小刀。前灘先我笑聲罵。將謂今夜占多獵。點點潛穿菰葉逃。

余與以明和尚於黃薇一見。已經五霜。客秋余歸萬年。而承聞和尚掛錫龜山。而去對州。余謂和尚實用其才之秋也。余近登龜山。和尚亦旋山。再得邂逅。不堪忻然。聊綴身情以贈。

首座在島中。丁師愛不。卒任而還。故結末及。

公起，攝西予，攝南。天涯逢着古禪龕。杖頭當日山還水。面後多年商與參。才氣鳴詩曹八斗。風顛隱道戴雙柑。襄陽可恰青州路。吟入哀吟談塵談。

徒執事寮口占

不斷世情之可斷。不行佛道之宜行。試尋肚裏無些物。只剩禿顛太羅生。

晚秋念四日遊高雄山會。邂逅滴水和尚林大尉相携行。遂同入溪棚觀楓。席上賦贈。

賦贈

禪暇尋秋趁午晴。不期相遇丈人行。滿山紅葉滿棚客。斜照醉聞歡美聲。千偈響溪紅帳舌。萬楓滿岬紫金身。醉吟入與天眞佛。頻嘯秋光轉法輪。

過常盤里

薔花發，接藍花。禪屐偶尋紅葉家。筠外良農敲稻白。甌風野曲散昏鴉。

遊西芳寺

欲少間忘寺務。紛芒鞋穿去水西雲。碧蘆雨足庭池潤。紅葉露收山苑分。苔厚湘南潭北古。湘南潭北皆亭名。林深，向上指東芬。向上關祖塔門名。植筇看感當年事。佳絕何妨到日曛。

拜西芳祖塔

追尋應跡禮慈顏。靈古重巖積翠間。五百餘秋衰替日。芬芳尚剩洛西山。

奉次韻無著老師追悼妙智龍巖大和尚。跋化。頌畢中於對州化。

法社大名馳列嶽。文章一代耀雞林。巖庭只剩半痕月。空使我儂殘憾深。

嵐山觀楓

春花秋月賞香多。未識此山楓葉多。一道斜陽半川碧。都添紅樹錦邊多。數處楓山連洛陽。通天高尾競秋光。飽幽我愛嵐溪曉。蜀錦掛松幾萬張。

至日偶成

眠村逢至日。雲物入窓清。寒嶠稍如笑。稚鶯初學鳴。莊丁買新米。院奴曬肥菁。前夜梅開否。探園步曉晴。

除夕同諸兄弟侍無著老師

三十餘霜似浪奔。看來身事極翻翻。曾辭御柳溝前寺。且寓靈龜山下村。壁幘床梅年已暮。瓶茶柴燭臘猶存。諸兄皆不池中物。強引厚顏侍德門。

歲旦

歲旦在就事寮管收稅事。故結句及。

安政春初立。法雲隨處明。山容有生氣。水韻悉新聲。洗硯寫風意。插梅惹雅情。喜看塵勞際。一旦占清平。

奉廣韻無著師翁歲首

香爐煙暖。迎<sub>レ</sub>貌座。梅笑鶯娛。呈<sub>レ</sub>富春。靜<sub>レ</sub>緜連。經<sub>レ</sub>無<sub>レ</sub>一<sub>レ</sub>事。閑<sub>レ</sub>雲讓<sub>レ</sub>箇<sub>レ</sub>大<sub>レ</sub>閑<sub>レ</sub>人。

又和<sub>二</sub>待衆<sub>一</sub>戲首<sub>一</sub>

蛇尾無<sub>レ</sub>端忙裏移。聊爾自<sub>レ</sub>愧沒<sub>レ</sub>好詩。愕<sub>レ</sub>材亦喜迎<sub>レ</sub>春色。萬卉流<sub>レ</sub>芳待<sub>レ</sub>老師。

雨夜

寺務紛<sub>レ</sub>紜無<sub>レ</sub>處避。空<sub>レ</sub>來穩坐地爐頭。十年宰相難<sub>レ</sub>相較。雨夜山居一味幽。

首春七日訪<sub>二</sub>以明師<sub>一</sub>。名浩席上分<sub>レ</sub>韻唱酬

昨君臨<sub>二</sub>陋室<sub>一</sub>。令我叩<sub>二</sub>精廬<sub>一</sub>。戲<sub>レ</sub>筆清談外。高論爛醉餘。苦心詩漸熟。詩熟心初疏。刻意書稍就。書成意不如。

同日古心哲武楊岸諸友皆來打<sub>二</sub>席書<sub>一</sub>。應<sub>レ</sub>需<sub>レ</sub>賦<sub>二</sub>一律<sub>一</sub>。贈<sub>二</sub>楊岸<sub>一</sub>。

萍跡邂逅堰水灣。風流共<sub>レ</sub>破舊知顏。辛盤夜暖爐邊酒。淡墨春生筆裡山。屬<sub>レ</sub>句自嗤慧休俗。題詩誰似皎然嫺。歸<sub>レ</sub>京明日白雲望。却在<sub>二</sub>我<sub>一</sub>阜嵐峽間。

席上題<sub>レ</sub>書二首

茅茨一二櫺。知是<sub>レ</sub>真幽僻。孤客所<sub>レ</sub>何看。樹間懸<sub>レ</sub>水白。

危巖衝<sub>二</sub>秋昊<sub>一</sub>。人家枯木邊。難<sub>レ</sub>明<sub>レ</sub>真面目。溪口起<sub>二</sub>蒼烟<sub>一</sub>。

送<sub>二</sub>茂禪人還<sub>一</sub>藝之許山

暫<sub>レ</sub>同<sub>二</sub>鷗社<sub>一</sub>。首相依。千里忽辭<sub>レ</sub>月下扉。潦倒玄沙爲<sub>レ</sub>人句。好<sub>レ</sub>和<sub>二</sub>流水<sub>一</sub>送<sub>二</sub>君歸<sub>一</sub>。

下<sub>二</sub>浪華<sub>一</sub>舟中。網島所<sub>レ</sub>見

五里三里平野。暮鐘聲沈<sub>レ</sub>渡頭。棲鴉兩岸烟樹。歸<sub>レ</sub>漁一蓬雨舟。

過<sub>二</sub>聽松軒<sub>一</sub>。即事。俗稱藤井莊右衛門喜禪學

園無<sub>二</sub>松樹<sub>一</sub>。聽<sub>レ</sub>得<sub>レ</sub>何音。有<sub>レ</sub>有<sub>レ</sub>固有。這沒<sub>レ</sub>絃琴。

待<sub>レ</sub>遇及<sub>二</sub>夜深<sub>一</sub>。遂<sub>レ</sub>宿<sub>レ</sub>口占

街鼓頻<sub>レ</sub>連送。登<sub>レ</sub>音稍欲<sub>レ</sub>無。此時茶與酒。使<sub>レ</sub>我我忘<sub>レ</sub>吾。

宿<sub>二</sub>圓通菴<sub>一</sub>。贈<sub>二</sub>隣僧順孝<sub>一</sub>。二首。

圓通對<sub>二</sub>遙碧<sub>一</sub>。花樹鶯鶯吟。欲<sub>レ</sub>語嵐山客。默<sub>二</sub>斯<sub>一</sub>春色深。

柳眼春風青。梅腮春意動。偏時來<sub>レ</sub>慰我。恰似<sub>二</sub>鶯羅<sub>一</sub>噴。

春夜步<sub>二</sub>渡月橋<sub>一</sub>。畔

月色朦朧水渺茫。幾宵乘<sub>レ</sub>輿步<sub>二</sub>橋塘<sub>一</sub>。暗<sub>レ</sub>知<sub>レ</sub>花發多<sub>レ</sub>於<sub>二</sub>昨<sub>一</sub>。掠<sub>レ</sub>鼻溪風陣陣香。

瑞應乍住招<sub>レ</sub>友。分<sub>二</sub>空院落<sub>一</sub>。花深余得<sub>レ</sub>落<sub>レ</sub>字。

一架荒檣留<sub>レ</sub>我居。乍住初思先哲作。花散<sub>レ</sub>滿床如<sub>二</sub>雪<sub>一</sub>。籠<sub>レ</sub>老鶯聲裡春<sub>レ</sub>寥落。

今北宗幸<sub>レ</sub>兄修補<sub>二</sub>圓通大士<sub>一</sub>。舊道場<sub>一</sub>。新架<sub>二</sub>石橋<sub>一</sub>。乞<sub>レ</sub>題名<sub>一</sub>。乃以<sub>二</sub>無際橋<sub>一</sub>名<sub>レ</sub>之。因<sub>レ</sub>綴<sub>二</sub>小

偈寶盛事。

佳哉善志與春融。一架石橋活路通。請見補陀薩埵德。度生悲願盡虛空。

詣玄無法師墳。

昔時法師納清財。創龜山雅會。聊綿盛于今。去歲乙卯中冬念七日。正當法師  
一百一十年忌辰。延於今茲中春念七日。設追薦雅會。聊頌長偈。充拈香。

嵐峽斜控龜山南。春夏秋冬翠色涵。風流京洛第一地。我御春風出茅菴。美景賞心及  
樂事。隨得行寫烟霞記。烟霞探盡又探奇。渡月南去法輪寺。法輪寺畔樹蕩堆。中有孤  
墳一封青苔。楷字篆樣嚴然見。豐淑掃薛讀下來。勢州人事皆家族。寶曆年間此結屋。自  
稱玄無謝塵緣。深愛禪味纏緇服。芒鞋不踏斷場錦。字能綴國風。章潺潺環水。欹枕  
聽簇簇。峽櫻推窓望。近古再見趙閔道。千歲難值龜蘿老。始知清裔續箕裘。也聞高雅  
擲財寶。擲財爲人人所難。况復爲方外文翰。翰墨雅會一百載。陸續不斷。良可歡。風流  
由來沒等匹。景行不朽堪上筆。一片榜樣數行文。芳聲令聞古今溢。君不見金殿玉樓  
鼎食人。空華界裏夢幻身。又不見柴門竹扉麻衣客。水月道場禪悅寶。寧自傳榮華。毋  
百世不如遺清絕。毋千春。

杜鵑花

花焰已收一寂然。夏山何物駐春煙。血痕染出水之澣。好在幾叢紅杜鵑。

次韻浩然師題鳳山圖。浩然字以明號觀水。

滿山含笑寫清波。三月春深嵐峽涯。淺碧綠絲橋外柳。淡紅濯錦浪間花。帶香霞近隨  
雲客。滴翠松長映洞家。俗曰雪月軒家温古打圖觀水贊。何妨詩畫向人誇。

牽牛花

結籬夕愛善柔質。漚水朝欣翠葉密。况近侍吾吟咏窓。時時抽出青毛筆。

秋日偶作

冷暖候調風雨均。稻垂如玉絮如銀。蒼生弗識誰恩力。我愧不耕不織人。

送承慶藏禪之前越

佳哉才子省鄉山。何限離情一晤間。北地峯巒多奇絕。歸來分與幾屣顏。  
奉送玄洲長老擢碩學職赴東武。

山門太祝有英豪。遠向柳營領節旄。文武火中精鍊極。天龍推出活人刀。

拜三會院祖塔

魔佛踏躡正覺禪。法雷大震七朝天。分明早露酬恩句。向雲松嵐響颯然。

百城好景屬何邊。嵐峽霜楓堰水烟。昨夜善財落節處。今朝拔本國師前。

拜寶幢寺祖塔

卓立寶幢王者師。大旗全弄覺雄規。由來文武炎炎德。肅灼兒孫無盡時。

秋曉上渡月橋

昨夜堰溪雨始收。棹聲遙響打船舟。楓痕印水紅愈好。松影畫屏翠欲流。幽霧疎鐘法  
輪寺。宿雲殘月洗心樓。滿眸觸處都詩料。絕唱一歸嵐峽秋。嵐峽別名絕唱溪

謁松尾祠

雨歇秋風不負吾。送雲拂霧拭林鷗。溪聲緊和江聲響。山徑斜傍野徑紆。千歲闕宮古  
松際。一層華表老杉逾。神壇謁罷人歸盡。落日沈沈看欲無。

與以明師訪武楊岸。席上分韻贈楊岸。岸常有嗜禪事之言。故三四示及。

鄭居心死似巖扉。何問忘機與有機。卿若欲知吾活計。大冷灰裏火星飛。

遊三尾高尾梅尾楓尾三山名

解道遊山如讀書。生溪尤樂探秋初。溪橋松碧交楓樹。峽澗水紅映鯨魚。清賞停車二  
月色。驕奢蓋錦頃間譽。名樹無數京城外。霜葉別天絕匹如。

深雲如錦夾溪悠。蘭若高開尾嶺頭。飛墨千年餘片石。吼鯨八韻響遐陬。山呈寶相峩

峩聳。水啓圓通溶溶流。十里楓林看未饜。斜陽染出滿江秋。

漫爛紅樹未翻翻。葉葉晴分濃淡痕。都下游人醉秋色。楓山十里錦乾坤。

瑞應院新居偶成

寺接峨村隣堰灣。新居堪聽水潺湲。間移叢樹迎明月。又欠密籬容遠山。禪版聊請家  
五味。蒲團知足屋三間。幸無客到多清事。太喜貧袍自在閑。

把茅初占峽間村。開闢任人落葉門。移石庭池求水淨。拂藤柴戶愛風喧。菊芬花圃來  
秋蝶。菓熟柿林掛暮猿。無事縛身堪養素。清閑贏得陶令園。

奉哭無爲先師跋化用東山拙源長老香偈

爲法忘躬金鐵腸。沈疴匹奈永成殃。多年高奏左邊曲。一旦圓敲末後章。曾起祖風復  
醇朴。豈圖佛日沒扶桑。當初叱咤今只憶。恩德難容盡十方。

奉次韻慈照盈冲長老香語

師翁遷化何邊去。三問默然放大光。極力百千尋思處。梅花微笑指南方。

奉慶讀禁闕落成

運礮輸材罷野謠。靈臺不日聳雲霄。經營全奉春秋義。無限台心盡聖朝。

奉拜觀

今上皇帝旋幸前日雪故

公卿蹕馬列珠轅。整整衣冠潤德輝。呈瑞雪花旋幸路。一層風葢刺天飛。

寒夜讀書

寒聲如冰臥未眠。坐披書帙對前賢。隔牆機杼宵將半。是亦起予勸學篇。

歲杪偶成

山林歲晏客過稀。閑貯青燈掩竹扉。煨芋頻思十年味。綰衫深愛七斤機。自嗤世上經營鬧。誰識法門結構微。曉汲清泉步溪畔。團團寒月伴禪衣。

題楠河州訣別兒正行圖

性含多聞尊天靈。學趨三光大燈庭。文武火中鍛道骨。快活咬破生鐵釘。運籌絕妙如神鬼。用兵迅速疾雷震。唱義鳩巢百萬裡。一回變與復舊庭。前門拒狼後虎嘯。獻策帝關帝弗聽。誠兒願命金石語。授刀訣別櫻井亭。明極喝下斷絲線。血戰遮賊湊水汀。寒霜倚天唯一劍。躬殫王事卅三齡。千歲要見公忠魂。金峰衝天古今青。

山居

中秋日與逸堂玉淵純應諸兄晉水泛舟  
秋色看難盡。泛舟晉水隈。窮江日初夕。載月又回來。

達磨忌

曾以水雲為我家。老來殊又愛烟霞。昨朝橫嶽今椿嶺。不識圓顛上白華。

臨濟錄開講

一展將軍河北陣。清平忽此動干戈。九旬唯請仙陀客。運策帷中塞佛魔。

赤馬關森本何某。乞軒號名以春風。且應需賦一頌與之。

百年人事閑機境。好向主家揚馨香。為備品評古梅樹。當來現世實無量。

觀音

庚午初冬廿九日。長藩兒玉奎灑君佳招。與純應圓宗二兄俱至。玉家大爺讓及細君。皆出侑酒。獻酬頗酣。圓宗兄有詩。予戲用其韵中之一字。賦以充一嘆。兒玉會人人又人。弁冠破衲合七人。醉來醉去醉不盡。人人人人人人人。

成道忌

無聞與所聞。空覺此極圓。隨處三摩地。驚飛魚躍淵。

安緣安識合為堆。畢竟看來風裡埃。頓遠無生歡不徹。虛空絕倒下崔嵬。



文不文兮德不德。愧無些子益諸公。去來集散休留意。一片頑雲動太空。

除夕

擊雲起雨蒼龍窟。蛇尾窮來守破蒲。飛霰敲門人不至。爐邊只打睡工夫。

辛未元旦

道無變色歲寒松。拄杖迎春又化龍。佗日赤關追暖去。新年佛法起吾宗。

今春有赤間關永福之請。以二月七日約上船。前日陰雨濛濛不歇。至本日曉快晴。僦舟下錦水即吟

昨日雨兮今日晴。溪鷺兩岸送吾鳴。舟中五袴三刀客。坐在梅花香裡行。

八日夜泊大島洋

漁火滅明水上過。幾回驚夢打魚歌。西風未歇三更後。海月當窓大如鑼。

九日魚莊海岸聽春雨

世態紛擾雲變更。寺居亦似舫居情。先是有高山伴勞心。船中阻風又勞心。今宵放下塵間事。聽盡蓬窓春雨聲。

自九日至十三日夜同處阻風口占

任他船舫逆風遮。飄蕩春潮響淺沙。個裏吾儂適意處。每宵和月宿蘆葭。

任他船舫逆風遮。芳志招予漁叟家。浴罷蓬窓閑誦了。朝來一部寶蓮華。

任他船舫逆風遮。滿海春光慰自家。箇箇島巒浮翠靄。遙遙天際走丹霞。

任他船舫逆風遮。眼慣青松與白沙。堪聽古稀操棹老。善談潮信口吧吧。

任他船舫逆風遮。海月如銀樹似霞。夜半覺來夢醒處。數聲漁唱涉灘涯。

任他船舫逆風遮。敲句閱書或煮茶。塵事百凡都不到。野衲自誇浪仙家。

任他船舫逆風遮。海面奇觀亦可嘉。閑播蓮經消永日。香煙脈脈對曛斜。

十三日晚西風少歇。操棹稍至上關。一名長島

長島室津喚欲鷹。翠巖粉壁兩堪矜。自斯六六嶮灘路。睡眼醒來浪幾層。

周防灘逢佛入寂日

黃面老師般涅槃。尿牀鬼子行路難。恁伸兩脚閭閻笑。金色頭陀拱手看。

遙謝永福會上諸兄

周州六六嶮灘潮。瀉碧波瀾滿海飄。法約後期休實我。漂搖數日勇魂消。

永福寺開會入寺以下十四首係本寺會中作

山門

向上關鑰。無閉無開。如何透過進一步云。過也。紅霞穿碧落。白日上春臺。

祝聖

舟路迢迢春可尋。到頭逢著寶陀林。永福妙齡聖天子。響和萬歲海潮音。

五祖錄開卷

敲三佛出中興禪。冤敵難忘未。在緣。若有纏山僧怨底。蒼龍窟裡受熱拳。

會中所禱大般若。用觀音大士緣日之晚修之。

千江月影萬家春。風塵塵普門。利利圓通般若。若六百。不勞閑功。大。

題總供養木浮圖

妙戒一心。無表無作。匝地春風。山舍水閣。要知端的麼。雲端驚沖。海心魚躍。

講了兼充送行

慧劍放光密令中。豎提橫按每磨礪。佛魔號哭旬餘日。血濺梵天不露鋒。雖然如是。大眾却會麼。若別後途路不得力。勿錯舉山僧語話。摘楊花摘楊花。

總供養大施餓鬼香語

豐筑峰巒寶樓閣。防長波浪桶盤泉。山僧今日伸供養。甘露門開在這邊。見麼。粥后徐徐步廊廡。疊船倭船走風烟。

題俵鼠圖

米三俵鼠三四匹。大黑天在何處。漚風吹柳絮。毛毳走雨打梨花。蝶蝶飛。

赤閭關偶成

西海咽喉赤馬關。人家一萬倚江灣。夕鞭獨銜三衣客。朝弄雙豐兩筑山。紅袖羅紋作圍繞。翠欄玉閣聽潺湲。誰知老衲斯中境。遊戲神通亦不閑。

應需頌無全院壽岳天量法號馬關人

無完全。今無完。虧這箇。壽量絕凡知。暮泊萬蓬籠。翠鷲朝飛。千帆映晴曦。

為仙彭上座

彭祖八百汝。十九却論壽夭。全同倫。謂見桃花三月外。優游別遇大仙春。

永福忠峰恕和尚像贊

忠恕兩字。掛在胸間。洗腸玉潤。琢心海山。提斧永福。坐斷重關。途中家舍。掉臂往還。此翁也。事到理到。為兒孫。喫幾苦。嚙。咄。

數珠演即興。洋中有二六連島

扶桑此極。數珠演島嶼。六連點海身。五十里灘。活波浪。一眸翫弄見頻頻。

觀音

巖邊蒲座穩。瓶裡柳枝輕。正與麼時節。普門總現成。

橫嶽與

空齋自字，曰蒼龍。坐斷橫山第一峰。放曠無一區。宅清涼。窓有萬株松。涉園樂事存。泉石。董叟多年定。正宗借使桑田變。成海。蒲團不改古禪裝。我不看經不學禪。衲衣活計任陶然。曳筇白石花。明處尋句錦。橋柳雲邊。國士隊中數。應請山人方外亦開筵。老僧自負非佗事。心契有斯竺大仙。

寄懷都野洞然居士在東京

稀粥淡茶安素分。飄然形骸似閑雲。世人休笑吾頑魯。也有參禪驢騎軍。

橫嶽初夏

梵笈聖書樂不窮。鵲呼鶯啭隔西東。粗衣淡飯家常足。無限清風在個中。

佛誕生

誰言灌沐令離垢。同證如來淨法身。不識甜茶盤裡客。元來苦毒滿胸人。

五祖錄殘講開卷

經維經者論論師。禪子忘禪也太奇。堪笑吾家却來路。無油紙燃少人知。

大練忌日為仙彭知藏

乘福令徒馬關承福會中  
圖家後一偏於山口學

插香送爾百花紅。馬北鴻東活路通。今日薰風自南曲。出身一佛在斯中。枯調送爾馬關陽。鴻麓山南難覆藏。今日薰風再彈曲。出身一佛露堂堂。

五祖錄講了

茲夏驕陽久不得點雨。將有旱災。先講了一日。乍得甘霖。歡喜甚矣。遂打拙偈

四首以充解制佛事

暗號正令未全了。南明一會領秋風。實勞如問山僧事。喫飯噉眠是我功。喫飯噉眠是我功。果看華雨墜。塵因思窟裡投。籌客吞却幾團栗。棘蓬吞却幾團栗。甘霖瑞雨自茲通。橋枯蘇息餓。珍重東山大脫空。珍重東山大脫空。法門靈驗無功。功欲知蘇。緣降霖。妙須入蒼龍深窟中。

登關雲寺觀瀑布堂頭斷泥和尚被贈一偈乃禁高礎以咏觀瀑之逸事兼充回

謝

毘盧大瀑關雲懸。飛錫恍疑天上遷。干佛巖邊塵不到。乾坤隔斷別山川。

應需頌斷泥之號

一劍昔初離寶匣。放收殺活定機先。和泥合水尋常事。截斷泥團別有傳。

大見家新安歷代祖先縮牌供養香語

聲沸清泉三百年。澆漓難奈法流遷。皎潔可尋許山月。圓虧明暗任時緣。雖然與麼約。吾東山下論之。一則三。三則七。行到水窮處。坐看雲起時。畢竟如何。九九八十一。咄。

盛三恭禪養二病於鄉山

殊宏湯厄蒙山病。入理善因進道緣。爾亦試看當念裡。惱疲瘦悴屬誰邊。

孟蘭盆施餓鬼會香語

滿盤水似天甘露。一桶飯如王妙供。來饗吾家寶樓閣。百由旬內絕衰凶。

南明山秋日偶成既諸禪衲

長防往來將四年。萍蓬耐久宿因緣。睡花馬海春陽日。驚鴈鴉林南山十境 有宿鴉林秋月天。得

食特忻乾毒豆。引毫太厭大和箋。化龍拄杖郎當去。却贊幽溪弄古篇。

南山中秋分韻得看

迎秋衰體幸無然。氣健躬閑是樂郊。賓主同情魚在水。弟兄交態漆投膠。半宵圓月隨無味。一刻萬金徒匹拋。酬賞不知鐘漏徙。清凄滿地露甘茅。

中秋有感

俯察三品類之森羅。仰觀萬象之星河。品類簇簇有何極。星象炯炯亦奈何。二美顯現心珠裏。古人賦月寄妙旨。今多失珠望嫦娥。恐斲瓦礫作珠視。靈光難認真寶珠。情憧群

中有如無象罔離。朱不在彼燦爛。臙脂皆存吾果。信龍女獻佛疾。又知貧人不乞。山翁賞秋當南軒。明月清風相和拂。君不見拂袖驚師王老作。放聲嘯月藥嶠。緣心宗秋冷多感慨。安得鸞膠續斷絃。

辛未秋在南明峰閣家山賊難即作

率土財歸率土人。論貧論富本非真。一輪業鏡高懸下。贏得山林知足身。

鼻祖忌

分張皮髓論疎親。末後漫言救苦輪。熊耳藏身有何驗。只餘斷臂不成人。

祖英集開卷

獨步古今明覺吟。文經武緯絕知音。微絃一拂沒蹤跡。只听希聲繞紺林。

佛成道忌

自己寶珍沒瑕類。入山出山那忙忙。只為相如伎倆極。奇哉一語誑秦王。

祖英集講了于時官令嚴寺禪二位僧位

欲下拋身命起宗。風上豈計孤運今日窮。誰道寥寥空知有。千載子期老盧公。

題寒巖幽道和尚肖像

曾驚過無底鼻孔。四處出氣伏群魔。和尚全身覓沒跡。白馬依舊宿蘆花。咄。

除夕

師學相和，念主賓。團樂爐底待青春。從今無祿無門地。自喜，緜林復古人。

壬申元旦

卓拄杖一丁。吾亦文明恢復人。糶。寒木祝。天宸。扶桑國裡無偏黨。玉蕊野花一樣春。

中備月瀨老居士。與衲有一面之識。頃題拙著禪海一瀾。後以長句。被遠贈。輒步其韵。申謝却寄。

志同千里一窓間。夢寐未忘居士顏。月瀨名梅芳不斷。天邊倦鳥老難還。謝君彩筆揮禪海。憐我烏藤度峻山。偏乞兩肩擔大道。經營護持誰人寰。

聖駕諱

商窓北苑望無窮。樹影山光四月風。大眾請看獨尊佛。殘鶯啼涉映山紅。

法華塔落成供養香語

一字一石一佛陀。放光動地七萬禮。欲識純圓獨妙處。大家請看祇麼禮。然雖如是。即今慶讚一句。如何舉揚。雲影離松翠如畫。啼禽相逐戲崔嵬。

息耕錄講了

仰山開會。歸宗。拽石。永興。一衆亦純工。獨有情僧。達祖範。九十。光陰只備個。大眾却知麼。堪對暮雲歸。未合。遠山無限碧層層。

到浪華日有感作。

七年未到浪花津。今日改觀政治新。却慨文明皇化裡。多成散髮戎衣人。上龜峰。見伽藍。燒趾有感。

自逢兵變祝融崇。寶坊忽成荆棘叢。佇立難停丈夫淚。何人恢復帝師宗。

槐安國語開卷香語

桑樹國中傑出錄。埋藏誰善辨金鑰。鷓鴣林一顧。耀天下。羅綺從來自鎮州。釘飯札羹人不顧。久成滯貨有如無。幸落鷓鴣林間出手。滿盤擎起夜明珠。

八月初四日。於三會院。修乘拂式次。香語。

不勞彈指。樓閣門開。却勞善財。一片爛材。

初祖忘

羚羊懸角廓然語。曳尾靈龜隻履緣。折合不當半錢價。山僧附與一瓣煙。

開祖忘

皇子出家。爲法王。金塵擲地盡扶桑。朝來聊憶報恩事。身凍初冬萬瓦霜。

應廣島縣寶珠山金龍寺之請。說教畢後。別提唱臨濟錄中示衆章香語。

萬松山禪林寺謙叟康和尚五十年忌拈香

峩峩山下謙光叟。逝水洋洋五十年。誰道千期莫知己。一瓣聊獻且洪川。和尚久參三峩田嶽山老師

寶珠山金龍寺止愼和尚三十三回忌拈香

領下抱留愼。一寶曾從收耀卅三年。放光來也諸禪見。松岸霜深澹水煙。

講了

臨濟眼中莫佛神。洪川却弄假兼真。不審水乳誰分得。付與肉團無位人。

癸酉歲首臘月三日改曆

太陽一轉拂窮塵。定裡忽驚鳳曆新。昨宵垢面蓬頭漢。今日乾坤大樂人。雖然與麼。

調御未出山。山野因甚先迎春。日午三更天曉不露。畢竟如何。諸禪德各各清福。至祝

不盡。

佛出山

一見明星解結跏。春風吹上破袈裟。堪看黃面滿腮笑。恰似香魂玉骨花。

觀音

從聞思修。入三摩地。刹刹塵塵。應變隨類。雲山林昨夜膏雨過。春在枝頭盡妍媚。

松濤翁十三回忌

曾自送君彈沒絃。落花流水十三年。夜來再得具消息。遠屋松濤響曉天。

寶珠山如寶寺晉山

多門天開扇  
以下七首係本寺會中作

十里幽尋匹似閑。登來如意寶珠山。自今我說無量福。笑破尊天威猛顏。

題戒會滿散木浮圖

戒品無上。三聚三身。滿天滿地。恩荷皇神。聖欲識日神恩賴。處扶桑樹上一輪新。

輪新。

同總供養施餓鬼

施門美似醍醐味。戒會光如摩尼珠。連日打成功德聚。一朝忽變紫金羅。大眾要見麼。

積海一濤隔潮處。娥眉象鼻翠模糊。

爲參道英和尚一周忌

北來西往參吾道。豈計幡然移聖舟。小祥預此通消息。波白風寒象鼻洲。

爲明山掬和尚卅三年

明頭來也明頭打。暗頭來也暗頭打。一瓣回互卅三年。掬取受用不盡禪。



金錫北巡。幾教筵。檢查督賞愕。僧眠。鴻城一夜聞清話。盛業爲君賀。萬全。

予嚮辱教部大講義之朝。職今茲應山口中教院。請大乘妙典。則明治六年五月九日開卷。同年十二月九日卒講。翌十日出錫。將還岩國。時諸尊宿延予信宿於乘福寺。被開離別之盛筵。佐佐木重卿君攜送行詩。追蹤來會。爲予感其厚情。乃步高韻酬之。蓋重卿君平居喜聽經說禪語。識見亦拔于世間。儒先生中。故末句及。

我說心玄君世經。僅長一日互相醒。臨別更無耐貽贈。唯呈三字出藍青。

十二月十七日歸山途中口占。

休暇鴻城路。初安與底眠。連晴旅况緩。此行路次應請處處宿。自鴻城上途。七日而歸。橫翠故山鮮。許國情愈厚。

匡僧術未全。祖風再興策。天下孰先鞭。

宿法幢山禪昌禪寺賦。呈山主寒山和尚。

西海龍門款。險扉爽然清境土。還肥山溪潺湲開。流水巖瀑崩騰澗。薛。宜建法幢立。宗旨須思祖業。仰芳徽。禪心相適。寒山子話。未終朝頓念歸。

甲戌歲首

太陽一轉扶桑國。瑞氣如雲滿祇林。佛法亦看天運改。永與主杖化龍吟。

示機外座元石州有福福泉寺主任三教導試補一

開化多是時弊流。文明正義汝看否。僧中教導關荷重。言行相顧辨金鏡。

爲中邦和尚十七年忌

筆談往復逞機權。宗學文章擔一肩。屈指疾過十七歲。捧香尋思影堂前。且道和尚即今在何處。顯機用。暖消北春。天樹江東日暮雲。

德雲山醫王院晉山

院在防州鹿野郡一以下三首係會中作一

童子南詢我。北詢到頭擲著。醫王春。鹿山彷彿武陵境。欲教桃源迷路人。

題戒會滿散木浮圖

至哉妙戒。三身一心。不持不犯。無作純真。遍滿院春。隨人爭詣。往來絡繹拜皇神。

嫩桂座元三年忌

舉香。箇香也一掃。虛空爲光明雲。其餘氣露。露然彌綸。三際郁郁乎。充塞四維。竟結菩提。妙果玄哉。妙哉。今茲明治七年甲戌秋。正當漢陽第一座嫩桂座元三周之忌辰。新命預於此日。抽丹悃。虔備蔬食茶菓。集六和淨侶。演大佛頂神呪之次。山野舉一偈。充佛事云。

北山巖桂曾連蟻。昔日收香秋。盡時三載再芽芳。藥去預放薰風嫩一枝。



悼熊谷吟居居士業醫傍長國歌又善吹笛

焉去杏壇老作家。山僧直下攔看他。一聲煙笛林亭暮。月在溶溶錦帶河。  
在山口中教院。次進藤拙齋被寄韻。

多謝空山尋訪人。風流尙有樹禽親。鴻城却耻無詩料。督責檢查追日頻。

題禪昌塞山和尙肖像東溪和尚嗣子

凌盡東溪鯨浪。溯洄西海龍門。意氣活潑潑處。擺烟霧又擊雲。

明治乙亥夏五。有撰任十山總贊大教師之命。將赴東京。以十八日。剋上船。先是梅雨連日。至十八日。雨乍霽。將就小刀而下。溪水暴漲。社友皆云。危矣。宜延一兩日。予云。不可。遂就小刀。發聊書口占。以塞嘲云。

溪山雨歇翠如洗。錦水捲波舟似飛。既是全身拋法道。休嘲年恙忘危機。

今田寬森。鵬浩兩君。侍老母。孤影子。追予走。小刀于險流。來拜別。乃賦小詩述謝。龍駒風子不忘盟。來慰老僧遠往情。中有母堂尤要鑠。絕流險峻是吾榮。

船至室津。上流船口占

流船如飛。指室津。三聲吹笛促乘實。不圖得此好期會。吾是海行幸福人。  
神戶移米國。流船口占

捨小又移大。輕舸載吾旋。須臾轉車出。煙氣黑時天。

流船中戲作。示二侍者

十八時間航海。船飛行。截浪起雲煙。自誇佛國全權使。雜處蠻兒不喫羶。

遠州灘

洪波瀉碧。遠州灘。一鳥不飛。山不看。曾讀白浪滔天術。目今事上改吾觀。

六月廿四日。初至金地院。壁間掛以明師望嶽詩。卒用其韵以述志。

宗教開明曾不鮮。專門學脈發偶然。自是收羅未歸客。欲昇上品濟河蓮。

七月一日。碧巖錄開講香語。

亂世英雄泰平賊。片言句裏奪全身。多年盡力蒼龍窟。捕縛牛行虎視人。大眾要知此。人麼。問取巡羅。

以勝林山金地院。暫爲假總贊。寄錫。應衆望。講左傳口占。

山應勝利院。金地。踞室宛然油幕中。一陣蚊軍頻襲入。幾圍毳隊代來攻。詞章療病琳生。檄。講說談兵杜氏風。自是煉文文武火。欲方全國震正宗。

夏日上東北寺。禮無難禪師塔。塔畔有喬木。問之則沙羅樹也。花大而白。皆落盡。散布蓬蒿之間。凄然有感聊賦。

飯山峻峻自無難。凄冷依稀昔日看。澗淚焚香喬樹下。落花滿地鳥聲寒。

六月下旬。應管長命。登勝林山。未幾新建築。會于天澤山。七月一日。移軍。轉讀大般若。頃日久無雨。昨夜大雨。故句中及。

搗錫。勝林。席未温。三衣一鉢。又東奔。夜來幸浴。天公澤。更帶清涼。拜世尊。

建仁開祖忌獻香 以下師在曼中一作

葉上美名轟宋域。發輝戒法創心宗。狂瀾難復澆衰日。澗淚一瓣仰祖風。

秋曉偶成

一日漫推長弟兄。路遙年老愧吾生。報秋飛葉橋牙響。驚月宿鴉樹杪鳴。感事頻澆憂國淚。應時欲盡愛民情。難何法運文才拙。獨對冷燈坐五更。

圓覺開祖忌獻香

英靈驚目龍淵曉。凜冽栗肌雁嶺風。欲舉佛光圓滿德。報秋一葉寂林聲。

偶成

靠杖王都與道親。朝遊夕處利塵塵。目蓮身子也何有。冷笑毗那城裡人。

題萬里小路藤房卿像

六龍忽愕追千里。諫下投管與始酬。何處藤公真面目。巖倉山畔颯松風。

烏尾謙官得菴居士來。參見處太極。鄙衷即賦以證之。

直持心來求證確。人間希見祥麟角。豈圖尋此曹溪途。卿是吾門一宿覺。

開堂後一日。拜讀開山錄香語

深深學海辯濶濶。說盡大多羅尼門。二十三流遊三舍。果然殃害及兒孫。

藏六開祖。勅證佛源禪師忌。獻香。

法流久響佛源禪。今遇涅槃不入緣。杉綠迎冬尚蒼蔚。楓紅泥雨轉鮮妍。嘆藏六菴中藏六主。大休一著在機先。

入制。碧巖錄殘講開卷。評唱鏡清陪味話。

東上看來武陵夢。夢中頻語夾山煙。如今幸遇鏡清拳。草裡痴頑請覺眠。

東福開祖忌獻香

奪却龍淵領下珠。直開惠岳挂胡蘆。從斯入海算砂底。大寶鑑中定細羅。國師國師不審非學者。蠶細云何平定節。早秋風未吹盡。後園籬菊裝虛都。

南禪開祖忌獻香

南宗最上大明禪。宮帷忽消一坐煙。密呪不如西來意。文應天子荷雙肩。

題利休宗易居士像二首 圓相中半身

紫野霞滿山。洛陽花二月。不離圓相中。一片春梁骨。  
喫茶三味。七十餘年。末後端的。一劍拋天。

和鳥尾得菴居士開居士林放言之韻。申賀。且寄山懷。

古德梅來孤穴禪。林中喜見起祥煙。誰知他力安心術。亦是黑山鬼窟眠。

明治丙子歲首偈。師在東京宮大教院天  
澤山禪院祝聖拈香

瓶珠天澤小蒼龍。一百雋英吟處從。新歲定知宗運發。風雲際會祝堯雍。

二月一日。大教院開筵式修行開講。提唱臨濟錄香語。

二十三流一卷錄。錄中仰見幾重關。自斯將箇正宗眼。欲照五洲海外山。

應需頌輪洲。號兼錢同兄。還但馬州。此兄舊制  
動詞一

厨下鱗鱗有芳譽。功名不與即功名。轉趁陰德鄉山去。較較聲到處鳴。

送行代人

五十長驛伴春之。花錦爛斑柳線垂。無限情兼無限景。鶯吟慰我送君時。

遊向島口占

步步花世界。出花又入花。輕車突雲去。回顧都惟花。

聖誕忌此日雨

淡楊搖碧暮春風。細雨如絲片片紅。大眾請看獨尊佛。鶯梭織出百花叢。  
右脇出胎行七步。英雄都此卓寒毛。更驚唯我獨尊語。猛虎一聲山月高。

百丈臨濟兩祖忌併修

傑出江湖兩祖禪。宗規井井贊機權。今收濟水雄山翠。供作爛材二片煙。

春日偶成

梅萼未衰桃萼開。香風花影與頻催。喜聞清坐工夫裡。鶯曲優從聲外來。

應需題亡友峨山以明子畫山水

新樹叢叢逸水瀾。一橋茅舍隔風塵。淋漓空翠溫如玉。想像峨山蘊藉人。

墨梅席上應需

孤山仙子。筆端喚醒。水姿凜凜。香魂惺惺。

爲嶺松慧喬上座秉炬

嶺松蕭颯響雲宵。轆軸轉時奏別調。許你有彈沒絃手。從今一曲衝天喬。露。

結夏。碧巖錄殘。讀開卷評唱風穴鐵牛話香語。

祖師心印鐵牛狀。破去住來自在傳。華胃豈挑俊哉將。宗門戈甲使三玄。

丙子七月十六日。安戶教部大補鼻鴨山莊佳招。與山田參議笠原草刈諸兄分

韻得文。

野途窈窕遠，穿雲幸會諸賢，避俗紛清話，美肴消永日。涉園不厭事，鐘閣

開祖忌

來亦不前去，不後。獅猊百億憶當年。兒孫幸有諸驢在，滅却眼藏些子傳。

提唱開山錄香語

離匣全非爲不平，悲心一點度群生。請看乃祖腕頭力，三尺寒霜鳴有聲。

初祖忌拈香抽語

冀土教經，瞞梁武。由來惡毒墮諸訛。老胡醜面遮無處，風掃曉塵落葉多。

入制。碧巖集殘講開卷。評唱外道問佛話抽語。

鞭影，徹音操良久。高調堪仰佛陀耶。停車坐愛楓林晚，霜葉紅於二月花。

虛空藏

藏中一顆心，實拈出何容商量。暫以無我我處稱謂之，虛空藏。

臘月三十日示贊衆

東來遊處武陵城，賓主從容兩忘情。今遇關羅訶實事，試投一問起贊兄。

一問

本命元辰今夜盡，眼過光景若飛丸。驢肥馬頷諸兄弟，借問方爲何等觀。

本命元辰今夜盡，平生傾底在這邊。三十齡後汝休道，老拙會中空過年。

本命元辰今夜盡，莫將休暇住因循。近時幸有剋期，在領取自家真箇春。

丁丑歲首偈

龍吟虎嘯，糲鷄鸞聖代，祥徵滿梵觀。從是豁開十洲美，大仙風月與人看。

偶成

高枕閑眠，閑道人迎新送，舊亦何因。竟被一百僧伽劫，擡起法身祝色身。

曉欣新歲出真觀，淑氣霽然眼界寬。預樂鶯啼花綻日，湘江風月亦親看。

和建長碩敬和尚歲首韻

嘉齡六十八年回，最喜圍棋頻往來。好是風流仙境界，圍樂終日品茶才。

講了口占

湘江漁老不知休，千尺拋綸天澤頭。巨口金鱗何日捕，等閑浮定一釣舟。

鹿山歸源院佛祖三經會開卷香語

金聲玉振始終，教佛祖盡來血淚情。三寶累卵在今日，勿下奔流弊味雙睛。

同院開祖救謚佛惠禪師五百遠年忌齋香語

三傑機鋒此翁歸。無邊佛惠古今輝。半千年果何消息。一片春風沒所依。

戒會滿散塔婆銘

即戒即佛。超名絕相。非戒非佛。動地放光。要知端的麼。春筍籠霧翠。山雀蹴花香。

總供養香語

乾坤宇宙寶樓閣。萬衆森羅甘露門。中泚曹源一滴水。百由旬內沒饑魂。

開山國師六百年遠諱。在却後酉年。打野偈以代化緣簿序。

圓滿道光溢皇國。遠年六百欲酬德。豈圖時運投窮通。依賴諸兄護法力。

入制開講。提唱碧巖八十三則。公案香語。

北雨南雲隔幾機。商量浩浩涉多岐。韶陽作略迥然別。擊碎佛陀拔鐵圍。

熱海鄉溫泉寺。別莊落成。轉讀大般若香語。

輪奐新室。聲沸靈湯。普門慈濟。般若妙祥。頭頭物物。悉出此香。名松磊落蔭涼下。花笑禽娛放瑞光。

圓覺開山忌。於大教院預修拈香。

文武火中百鍊修。痴頑斬盡大東州。現成多少。舊公案。幾世冤憎難報讎。

題不忍池新亭。留別河尻寶岑居士。

吾寓池塘側。三逢荷花開。雖愛蓮。念切雅思忙。中灰我門寶岑子。道義宿薰才。修禪忘寢食。洗心和塵埃。參予欲究道。買亭不惜財。佳致小西湖。偉觀舊東台。月夕與露曉。招予供香醕。三年觀蓮債。相償意快哉。予忽將歸山。居士驚勸杯。舉杯囑士曰。予歸居士來。駸駸又孜孜。珠磨自家魂。君不見窓前滿池花香。美不在秋水池上。催上。

明治丁丑秋。予解教院鬻長之職。還于鹿山。舊棲本分有志。衲子十數輩。已挂錫而乞受予竹篋。有感而作。

曾開雜舖賣京塵。臨濟正宗大罪人。今日歸來舊甕坐。自嘲自悔黑黧皤。

觀瀑觀音

聞與所聞盡。盡聞亦不留。溪畔何聞處。千尺好飛流。

開祖忌

一鎚板下碎無明。三尺劍前振大名。末後果言裏天地。使幾英雄幾回驚。曉。秋風林閣千山碧。暮色江村一笛聲。

無門關開卷

無門關鎖太亡端。遮斷行人意氣寒。若其單刀直入去。祖家好景轉堪觀。

初祖忌

正法單提，示現身。分皮分髓，照塵塵。到頭驚嶺一枝，葉擴作四洲滿眼春。

臨濟錄開卷

手段斬新語，斬新。一機一用，泣鬼神。宗門骨髓，只斯錄。絕後光前，獨箇人。以甚爲驗。喝一喝。

賀熊谷呼呼居士七十一

居士嚴國舊藩，醫官也。長國歌。又善吹笛。深嗜禪味。余在彼地。一日故來。求追悼之偈。戲走筆賦與焉。距今數年。今茲遙投國歌二章。賀余之朝拜及耳順。其簡端書七十三老某。因追憶前事。換舊偈之一二。全成純然壽頌。却寄。蓋轉吊作賀。不亦奇慶乎。

七十，老翁曾辭家。從容三味果，維他一聲煙笛林亭暮。月在溶溶錦帶河。

戊寅歲首偈

始迎瑞鹿正陽晨，鐘動殿樓山嶽新。前後三三和合衆，萬然梵唄祝天宸。

正續院迎歲二首

透脫世波幾層嶮，今朝開闢萬年春。優游自適無爲境，唱帝都丁對學賓。

新正偶成

奔走東西境數新，今朝逢著萬年春。山翁不識塵間禮，兄弟團樂拜祖真。

好避聲名深入山，終朝無事與雲閑。憑窓坐喜占清境，梅笑禽娛溪一灣。

因事口占

蒼龍前日得禪龍，一去至今不見蹤。笑殺天公縱與奪，山僧萬事任從容。

臨濟錄至四喝話講了

九句爲衆叩心腸。濟北家風不覆藏。地獄天堂百雜碎，唯餘一喝下繩床。喝一喝。

佛涅槃

咄箇吾家大覺皇，金龜賣弄八十霜。脫空謔語未知足，猶擡雙趺誑飲光。

尾之林靜逸居士訪余鹿山幽棲有感。被惠詩。次韻以寄。

聞吾評水味雲聲。君唱紫芝伴月明。况也把他高蓋客，附來醉夢坐寒更。

杳聞本光老師兄。於法山新建築僧堂。當寂照禪師遺忘修開單式。不勝企祝。呈

拙語以伸賀衷

曾掛一滴曹源流。寂照道場插草頭。大小本光盡光力。看來紙燃沒些油。

明治十一年三月廿四日海藏院香山在相州戶塚

踏遍東西泉石山。老來高臥掩柴關。將思無事一閑叟。又曳孤藤叩此間。

海藏開祖方外大和尚五百遠年延修忌

天龍真子海藏祖。普潤枯稿方外禪。忌景半千有餘澤。白花春至爲君鮮。

海藏院總供養塔婆銘

一心妙戒。透漢徹泉。靈山附屬。少林單傳。不取事相。曷涉言詮。和塵信得。真火裏蓮。

金剛經開卷

金剛定裡安祥起。踰闕花開黃鳥鳴。三界獨尊儼然在。祇園風色亦多情。

首夏偶成

新藕搖池碧水光。茂林鬱密護茅堂。樹皆數百年來物。飽領禪窓萬斛涼。

十年祭日在今茲四月十六日遙拜故嚴國侯有恪君墳書鄙懷

廊廟大材壞十春。至今哭巷二州民。擎香遙仰音容在。花樹如珠宰上新。

四月十三日在熱海得棲梧老師之訃音口占

此日是何夕。訃音落案頭。櫻花漫爛望頃刻。變如秋。

於鹿山僧堂爲棲梧老師設小齋會香語

吾師享壽七十七。曾奉鳳章壽德名。梁木一朝俄然倒。人天依怙作麼生。噫。

熱海溫泉寺溪莊偶成三首

養氣來遊熱海里。丈人塵客訪幽情。全身諧暢浴泉後。閑把禪書對晚晴。懶見花孌步市終。朝食浴等間。過他人不識吾心樂。清水山前綠蔭多。洛北有菴豆有松。萬公到處住高蹤。浴餘屢仰千尋翠。磊落孤標表盛宗。

歸自熱海途中

發程乘曙暉。尙著浴泉衣。氣霽興丁疾。山長溪水微。殘鶯傳美韻。新樹吐芳菲。來路愛花處。都看綠葉歸。

藏雲菴文宗西堂掩土香語

菴內主人坐脫去。二光三病奈何窮。果透脫雲門些子。涅槃路在寶山中。此是西堂和尙尋常心事。脫酒底之末後。顯露者也。山僧太愛其迅速脫去之作用。聊打巴歌。以添涅槃一路行色去。拋鐵子。奇峯雲裡君藏去。五十七年畢竟空。脫酒著鞋不留跡。清涼愉快荷花風。

夏日。妻木栖碧居士來訪。於一壘齋話次即作。

清景涼人忘午眠。白雲蒼樹絕塵緣。支遁恐讓一頭地。如是溪山不用錢。

金剛經曹溪解義治父偈頌講了

古人不惜雙肩落。碎末金剛子細看。我亦有分三十棒。三三兩兩骨毛寒。

講後口占示衆

阿耨多羅三藐三菩提。裂破眼睛唯此箇。我人壽者沒餘論。那邊撒手究此箇。

偶成解夢日

九十日月如洪壁。坦腹床頭閑臥過。眠足溪亭見魚躍。涼來山沼賞新荷。

文宗東堂大練忌宿忌贈前圓覺位一

元出管纓清族中。名山示法振威雄。更占圓覺妙場瑞。驀地踏躑兜率宮。

鹿山十境

偃松橋

喬杉蒼蔚隔塵鷲。菌苔花開淨不嬌。雲鎖上方幽磬響。香風吹匝偃松橋。

寶雲閣

如突寶雲登鷲峯。儼然坐列大羅漢。金文六字勅毫鋒。亦作拈華微笑看。

鯨吼鐘俗曰鐘倉大鐘一

石磴層層百尺巔。鐘樓高出峙林烟。一聲鯨吼轟雲外。醒覺人間長夜眠。

望嶽臺

氣霽芙蓉全面開。玉肌清絕望佳哉。淡紅風露看一刷。恰似美人臨瑤臺。

妙香池

一頃蓮池花影清。巖苔映水虎頭明。卓節坐愛紅鱗躍。堪見含靈自得情。池之北岸有虎頭巖

白鹿洞

群鹿當初聽演法。創基嘉瑞又如何。欲搜名跡躋攀去。洞口雲遮落葉多。

一壘亭

三笏茅亭架林塢。清風入座絕塵思。世間出世都忘了。鬢髮蓬鬆一壘時。

觀國峯本境之主山也俗曰大觀見峯一

駿甲豆房總武州。遠潮遙翠一眸收。寶茲美景論今日。莫是廬山五老遊。

坐禪窟

洞門閑寂鎖青山。巖徑雲深無客攀。纖月掛松僧入定。一聲杜宇薛蘿間。

舍利塔

唐宋勅封佛牙齒。秘靈此護半千年。國師侍側猶如在。正慶天皇有廟宣。

右十首。明治戊寅夏。余安居于鹿山幽棲。禪餘做洛西龜山正覺乃祖之題咏。



擇古來名跡著世者十境。散步逍遙之次。乘輿題小語。以供登陟諸公之吟料云。

### 開祖諱

每年茲日憶當初。舉盡佛光圓滿旨。今擊一瓣唯默然。龕庭晝冷秋如水。

與高橋泥舟居士及二三友。約午時集會。乃設齋待之。遲矣。賦小詩代東。

齋鐘鳴罷腹稍虛。凝坐蕭然待客車。頻注瓶湯又添炭。林禽聒聒似嘲吾。

### 和祖忌

鳥飛毛落廓然話。尾拂痕存隻履緣。畢竟看來不當價。山僧燕作一瓣煙。

### 虛堂錄開卷香語

乳峯過後有斯翁。文武兼全上將風。七翰風毛揮舌裡。三軍馬蹕納胸中。從前汗馬無人識。唯要重論蓋代功。

### 除夜

三陽交泰何俄迫。楊柳蕭條梅未開。風格儘論遲八刻。東高閣去笑哈哈。

### 己卯歲旦藏殿祝偈

夜來掃蕩舊乾坤。今曉豁開總持門。鼓聲震動端峰頂。捧玉芙蓉祝至尊。

### 正續院祝偈

半主丈。壽齡忘却萬年賓。常樂長生不老春。今朝故領青陽瑞。和氣藹然笑轉新。大衆各各萬福。至祝不盡。

### 新正口占用前韻

近來佛法多邪實。到處數逢衰替春。今曉改觀正續境。恰令老骨更新新。

東京江川金右來參。齋地試之以殺人刀。渠曰。吹毛斬不入。余太愛其語。即與鐵

心號。附以一偈。

剛信一言呈我寒。吹毛不入鐵團圓。此心唯禱精鋼力。久久用來煅慧觀。

拜讀虛堂錄。至寶林語要講了。

膠青鹽味達人知。大士郎當八刻遲。一夏我添息耕稼。叱咤群衲建紅旗。

棲梧先師小祥忌

傳來佛祖不傳傳。興盛曹溪滴滴禪。水月空華弗留跡。偉光叢徹界三千。

### 題鍾馗畫像

心動鬼魅振鐵杖。心定鍾馗腔中聳。動著三十棒。

爲大瑛座原

五十五年一顆玉。今朝擊碎放清光。看生死即涅槃。妙花落。花開滿院香。此是座原未後之自受用底也。會則參學事畢矣。山僧更有一句子。充臨別之寶糧。擲下火把。須臾萬機休罷。處德山。正眼棒頭長。吽。

熱海溫泉寺晉山號清木山

安祥而起。忽忙涉。數處驛亭七里山。忽到巖潮沸騰地。清風清水滿禪關。

臨濟錄開卷

誰泣怪猿。殺手妙濟翁。奧秘亦如神。永留骨髓唯斯錄。師是宗門習錄人。

會中祈禱轉讀大般若經香語。

摩訶般若那邊在。見見山僧一指端。初鳥浮春活波浪。豆峯懸錦碧層巒。露。

忠道和尚壽像贊

刻意乎新定室裡。若身於澤田山中。葺修三昧八句強。嬰鏃矣哉是箇翁。尋常一樣窓前月。僅有梅花便不同。

太太水陸供養

撥轉無遮甘露門。幽冥玄造脫迷昏。看吾樓閣清如鏡。十界三千沒怨冤。寶樓閣聳盡虛空。甘露門開活路通。六味妙供三點水。萬靈饜天無功風。

乙卯歲旦二首

新居逢歲首。佳氣滿園林。客是暮詩酒。談唯書畫琴。插梅賞茶味。移鼎待鶯吟。百事皆宜喜。晏然一鉢心。

強健又迎歲月新。無量淑事屬閑人。年年如是無魔障。一鉢安然不感春。

丹後州瑞光山海臨禪寺佛殿落成供養香語

十年工畢梵王宮。更繕寶函祝聖躬。花笑禽娛瑞光裡。孤峰春遍太平風。

春社日過近村

村童群聚顏如漆。春社賽神娛堯日。羯鼓未聞清代民。却吹銅鈸賣羅餅。

偶作

禪院對山夢也清。殘眠欲續見鶯驚。起來忽憶看花約。早掃茶窓待友生。

散步

我喜山村游味長。出門阡陌都佳鄉。倦書偶探春深淺。停杖行看雲集張。麥浪漲隄午。烟絲菜花亘畢夕。陽黃歸來把句開。窓坐芳樹何邊又送香。

閑劇從來任自然。抽身時又趁春烟。大伊河畔花疊錦。小督筵前翠鋪氈。架岬茶棚歌細細。臨流酒店笑嗎嗎。我離吟社十餘歲。泉石沈痾猶未痊。

題扇面牡丹花

這一株花。非夢。非花。點眉在眼。看花爲花。

嵐溪探杜鵑花

欲見鵑花好。溪間攜友行。人聲魚鰓躍。午陰鷓鴣鳴。羅袂過林冷。芒鞋傍水輕。但將吾意。樂不識日云傾。

歸路把燭上水亭同賦。以水亭夜集爲韻。余得夜字。做排律體。

禪鼓翰墨。賓雅集江亭。樹捲箔。玩青澗。投香聽紫麝。游螢微風迷。宿鷺淺沙下。暮色送溪間。水輪碾巖。幽情又幾層。興味可無價。親話比班荆。清談到啖蔗。觀澗。柯叟誇賞水。宜尼陀。今宵箇。芳筵。古昔同流瀉。好飽聞。深溪。吟哦及徹夜。

季夏日訪要行滴水和尚席上賦呈

幽僻無人至。精廬靠翠微。春聲鶯尚語。秋信蟲初揮。舞架接衣桁。蒲棚巨帳開。北窓喫茶處。忘熱又忘機。

七夕同諸友賦

梧葉蕭蕭秋始搖。夜深烏鵲稍成橋。僧房不管乞巧事。各叩詩章論格標。同夕雅會散。后伴社友。上渡月橋。納涼二首。

同盟清宴罷。聯步上江梁。星可照吟肺。露堪灑熱腸。燈行談溪達。水響助秋涼。社友皆雋雅。須談到夜央。

乘醉趁涼涼。轉涼舞。舞風味執這涼。山僧得意無人識。飽領溪橋萬斛涼。

中秋會林亭以月字爲韻

只有明月與清風。不論蓬門復鼎閭。况無俗子在個中。林亭何異廣寒闕。番番古祖愛林泉。明月清風爲禪窟。却看蓬門如朱門。清風明月曬筋骨。我亦祖門攜帶兒。每對明月感何竭。王老。大用親如看藥。一嘯與未歇。仰古賞今坐清宵。妙思禪心更勃勃。嗚呼。字內一箇人。無限山川悉映發。嗒然此意何物知。只有清風與明月。

愛菊

多日灌培。取次憐。始看金鬢冒霜鮮。近來風雨頻成暴。連夜爲君不著眠。

秋山如粧

楓刷。勝紅。山臉清。雲粧。脂粉。有餘情。下峰樵子攀林客。悉在美人面上行。

溪橋晚望

輕鴨浮沈洲。內外小刀去來水。西東獵家定有垂楊岸。一道斜陽曬兔罝。

送玉潭和尚歸省防州

防陽錦帶以奇名。嵐峽錦楓將絕鳴。同氣相應作迎送。錦楓時節錦衣行。

安政丙辰九月廿二日。無著師翁再住天龍寺。開堂演法。先是日日好晴。至念日。始起雲。催雨。至本日。雲盛起。雨大降。實非尋常矣。大盛事了。後又快晴。私意這非常之瑞雨。真之天龍始可得。不亦愉快乎。聊綴拙語以表賀悰。

覺雄出世大千震。華亂翻現瑞容。堪仰昇天三日雨。拏雲捲霧是真龍。

丙辰春賀越溪和尚開單

先師幸得笑裝子。未了因緣今舉揚。繞屋絲筠奏鳳韻。和君葉葉起清涼。

殘菊

伶俜衰影亂如麻。滿圃秋陽澹欲斜。憐蝶使存舊時愛。飛來復宿散餘花。

奉追薦無為先師小祥忌。用獨園師兄韻

鬼域醜名天下鳴。誰中毒氣結冤情。周年未報寸衷恨。又聽寒林搖殺聲。

冬夜雪招諸友同賦

詩唯野衲吟來寫。琴任友人攜至彈。爐火松風清與足。滿園夜雪不知寒。

冬至

短景始添一線長。梅通春信洩微香。蘿窓日課大乘典。比昨拜看增幾行。

賦和歌題水石契。久壽歌人玄如叟。六十。

漱石枕流六十春。多年笑倒世間塵。可知幽契扶肩壽。歌詠仙中第一人。

雪日會茶友偶作

小窓聽雪駐賓開。方喜頭陀脫世埃。茶社風流三笏室。幽人佳趣一瓶梅。園松圍腋充

豐饌。襪袋鹿巾攜古裁。休笑我儂貧且乏。山家富貴玉成堆。

杪冬逸休庵小集同清隱清源以明三師分爐頭話舊為韻。余得舊字。

山鴉鳴罷送清晝。爐起松風俱話舊。海內名流半九泉。社中蘭友餘三秀。法臨像未

菟萎。運遇歲寒松柏瘦。美核深杯論不平。任他支膝到殘漏。

又分僧歸夜船。月得月字。

煙霞作癖未休歇。詠詠常耽雪還月。方外文交甘似齋。法中雅事多如髮。興來不妨酒

舟。遲句就只啜醜口。滑且喜銀盤與鐵盃。清江一夜同津筏。

除夕同諸兄弟侍無著師翁

獻壽任他各自吟。青陽明日至雲林。梅兄守夜陪蓮座。柳弟待春侍紫襟。瓜賦綿綿為

苞。大派流汪汪倚源深。師翁六十五。除夕仰祝壽巖穩坐心。

歲旦

年朝心地歡不徹。一度每逢，一度新。况復見龍幸，無恙。德輝圓滿，福田春。師翁天龍開堂在客秋福田實

奉次韻師翁歲首

彈起陽春沒絃曲，乾坤增輝紫金光。自今無盡藏中物，悉在天龍指上芳。  
洪鈞回轉知誰力，朝野一新改景光。只傲群英爭美起，枯英敗種亦萌芳。  
龜毛拂上春初動，挑起祖燈無盡光。更有諸賢相唱和，篇篇集瑞又聯芳。天龍大室名集瑞軒

新正九日與以明兄清話于山院而歸。尋兄見訪，醉廬小酌，間有人來報兄云：書人武楊岸來乞見。兄便不盡醉而去。余亦憊然直追兄往妙智院同榻。戲書似兄。一朝三會話愈清，椒酒辛盤屢共傾。春首最佳楊岸許，又鳴吟履趁君行。

正月二十一日雨中登萬山拜先師塔。越溪和尚及文齋獨園子慎宜研等諸兄相會在心華院席上賦呈諸大德。

萬山微雨裡，孤藤拜青陽。龍淵疊翠浪，鹿苑聳粉牆。般若林中嘯，天界橋上望。依舊塔下路，移步頻傷腸。憶曾侍師病，朝昏提瓶饋。請益立茵褥，若屈守封疆。欲進進不得，擬退又有妨。大道雖寬豁，孤嶮設關防。愁淚多一日，瞋喝餘三霜。粉骨中銜鎗，擲身觸鋒鋌。距今十餘歲，愈覺其味長。偶來禮片礮，薦水又炷香。餘烟拖淡霧，寒涕滴素裳。豈是

初齋日。設蒲故禪房。感誓不忍默。吮筆綴鄙章。諸兄皆文物。忽作翰墨場。陽春逞奇趣。白雪積芬芳。文武兼精鍊。大添法筵光。都盧先師實。自笑倒空囊。

奉追憶先師德分韻

師德多於雨露，恩衝泥此日。侍清膳，蜿蜿龍影松當牖。憂憂風吟竹拂軒。一片肝腸曾比鐵。百年作用都逢源。家庭富貴室中美。矮子難窺數仞垣。

又分春宵一刻價千金為韻。余得宵字。

永日圓詩樂事饒。雨晴春月上清霄。錦章繡句如花簇。恰是千金一刻宵。

翌日東文齋獨園諸兄

前日越山齋途中。忽逢迅雷暴雨。入一字，廢屋裡避得過。阿呵呵。歸來肌粟未全愈。又步前礎。代東鳴謝。

感佩永擔兄弟恩。共頌春醞伊蒲膳。杯盤清話新年酒。筆硯奇才微雨軒。荷雪痴頻埋雪井。懸河辯剩倒河源。歸來大堰江頭寺。依舊頑雲擁破垣。

謝玉潭以明二兄見訪

竝駕賁然臨小栖。糟羹酒許分題締。交澹泊情如水。論志英豪氣吐霓。梅意帶隘瓶裡動。柳烟解縮空間迷。預知今歲文盟盛。最是青陽邀二奎。

初春雨中。同玉潭謙巖，二兄訪以明兄。連步過嵐山，下分雨中探春爲韻。余得中字。

我性畏風宛如虎。縮頂嗟吁養衰窮。况又春寒烈奇政。村間滔滔感惡風。十口之家八九病。我亦殆入其社叢。多幸邪神無狂駕。獨立如在重圍中。昨夜夢魂覺奇暖。雨聲疎疎澗園惹。破曉起來寒稍減。推窓山雲尙空濛。林間始聽春鶯啼。溪隈又看臘冰融。於是不忍護矮室。詩囊禪屐呼稚童。出門暖和意快暢。寒禽初是脫罽籠。四山雪消呈微笑。佇立願望西又東。林間茅廬甚瀟灑。傍有新梅間松楓。千翻編裝香馥郁。一團素雲影玲瓏。徐入佳鄉嵐山麓。清興如沸意何窮。是必可敲然公院。敲然公院此與不空衝。泥誘得吟社友。遂訪然公對文筓。故人芳意何所設。列酒香飯及新菘。齋外青山如待我。霏霏仿酒娛。清衷綠雲香雨詩。趣動茂林脩竹春氣通。賞心美景難爲味。望迷嵐山雨中曠。乘醉相携步山麓。爲我助興諸禪公。昨日戰戰畏風客。今日優優尋春翁。俱吟櫻下如花有。屐齒又訝新泥紅。

夢登富嶽並引題社友福尾

夫平夷之地遊者衆。險難之處至者少。世之瑰璋絕特非常之境。必在險難之處。故自非雅情特出者。未嘗能遊觀焉。今也諸君以登嶽設題。就夢魂上運出

許多好趣向。句句皆黃絹幼婦。且不勞寸步。了其雅遊。盡其逸觀。余見之豈得食指不動乎。聊打巴調。同其樂。是所謂疲馬服鹽車而上太行者歟。味味。

所歷江山不礙身。御風穿雪富峰春。夢魂自一排闥闥。覓見北窓高臥人。

墨梅柳並引 同前

余嘗聞皮日休慕宋廣平璟之爲人。勁質剛態。而疑其鐵腸石心。不解吐婉媚詞。然看其梅花賦。清便富艷。頗得南朝徐庾體。大不類其爲人也。如吾同盟詩社亦然。一隊皆禪僧。理必可不解吐婉媚詞。然今見此墨梅柳詩。於端莊中。雜美麗。又含婀娜。敲之鏗然響齒牙。是彼素富貴行乎富貴。無不入而不自得者歟。於是余亦做里響。以一語列下風云。

冰貌香顏玉沒痕。婀娜對月立黃昏。誰哉畫此多情去。簾外啼鶯訴斷魂。墨梅長枝如髮短。枝眉細細織纖水。一涯日暮徐凭曲欄睡。春風憐殺不剛吹。墨柳

門前有火辭

君不見。人不見。明三八九。咫尺暗然如替無。相手豈曾樹下之阿師。人間百凡皆如茲。維安政三丙辰夏。五月初九亭午時。堰上人家大有火。最前僅望淡烟。禪四無人聲。吾心降。豈意祝融驚禪坐。飄風自南驅焰運。烈火急於箭。離弦紅埃飛回。劫燄火。黑煙迸出。

礮車雲霧如湧救火客。鱗鱗似飛運財人。李婆張叟狼狽避。赤脚長鬚唐突奔。焰威  
相倍相什佰。逼吾蕭牆僅咫尺。譬如陷統軍。重圍羸弱小。兵奈無策。幸有一劍名金剛。  
截斷衆流始有力。而后出自彼掃蕩中。決起憤震防火攻。飛廉封姨又憐我。狂飈倒回  
良位。風焦樹熱柯紅蓮。寺乍迎。萬斛清涼暮。白沙翠竹清流村。暮作一圓。大火聚。幻化  
物滅。彈指餘。浮世態變立談初。此時若不知者箇。當境多思定躊躇。聞說劫火洞然大。  
千壤日。山川人畜皆隨他糜爛畢。今果正當恁麼時。或住壞空豈容髮。天不厭我。與我  
知。鳴箇幽味少知之。不如攜帶兒掃燼餘。埃不如喚繡生開歡喜。眉吾門如市陸續東  
西馳。吾心如水靜。纒頭末辭。

夢遊月宮

明月出東嶺。照我窓牖間。漉露含素影。一天卷微雲。忽懷中秋宴。把酒倚南軒。酣醉結  
清夢。飛颺凌霜旻。銀橋駕鶴穩。玉梯雲路縈。驚見廣寒殿。清光奪眼神。重門洞豁開。入  
門未遽前。素娥爭傳奏。青女迎引延。玉爐設香案。繡帳圍華筵。捧盞傳旨。天語和藹  
然。今宵三五宴。暇休賜群仙。瓊醞琥珀碗。肴核琉璃盤。滷滷芳醕潔。膾銀絲鮮。綠  
花鋼動。長袖環佩振。霓裳羽衣曲。縹緲鳳鸞舞。素娥跪重賞。拜天恩。天顏有喜色。  
傳詔命詩篇。群仙皆應制。巴調亦奏聞。操觚與勃勃。說詩聲閭閻。高階駕鸞列。廣庭玉  
帛陳。峩冠懸命我。拜跪承傳宣。汝未滿塵謫。命難命司文。拜寶速還駕。宜爲地上仙。奉  
詔夢忽覺。恍然如在天。耳底記天語。鼻間帶香烟。我是一禪客。豈屑生廣寒。假令有詔  
許。不肯爲天仙。只愧因宿染。癡想入夢魂。生天有漏業。未嘗知一具。具乘無漏。極究竟  
亦爲難。自今重憤激。永向江湖間。

老眼

城州山此盡。泥脚入丹波。既腹浮雲走。忽傍牛脊過。

龜山

櫛比商櫛列。城樓雨霽鮮。馬嘶人帶劍。馳市舉朝鞭。

園部

官堤平似坻。松古影橫斜。街市一千戶。炊烟送晚鴉。

山家途中

老山草嶺苦中過。路滑愈愁風雨多。點點怪來敲傘響。行驚輕霰在青莎。

歸次宿山家。縣翌朝口占

衝泥險路幾躊躇。日日唯欣近舊關。昨夜寒茵難結夢。推窓曉雪滿千山。

草尾嶺丹波丹後國界

丹陰十月大飛雪。凜烈朔風滿背雪。草尾嶺頭分界處。南邊寒雨北邊雪。

初冬二十日。阻雪淹留丹波大圓寺。會當開祖廣濟國師年齋之辰。聊綴野偈充

粘香。

飄然主杖度丹山。風雪煤予敲梵關。逢著祖翁歡不徹。千林瓊玉大慈顏。

念一日。將發大圓寺。意此日也。當無為先師三周之忌辰。卒賦奉悼。

路入巖阿已十句。一葉未遇好晴晨。今朝更復阻風雪。屈指先師易黃辰。

此日山崎了平來。令見大庾嶺梅花盛開圖。席上應需題圖尾。

此是庾峯真面目。梅花溢卷就幽清。偉動難減九成跡。芳圃長存六祖名。宛挹香風撫

傲骨。好挖凄氣爽禪情。書圖幸觸道流手。一夜弄吟徹曉明。

除夕

三衣游倦倚。鐵檮嵐峽為朋書。作隣第爾思量天地大。孤僧亦待一分春。

和春泛柳湖

一葉尋春棹曉晴。渚梅堤柳也關情。峯巒數朵別風景。恰似芙蓉鏡裡行。

栽松

野性從來愛萬木。最喜蒼髯護弊屋。蒼髯稚子甫三齡。乘在水南嵐山麓。手自相攜小

園移。稚幹僅具棟梁姿。我勸你。良比孩嬰。你待我。宜如父師。自今勞。凌霜雪。苦早晚。定為龍蛇伍。高尙可攀隱倫。舉寵榮勿慕太夫。舉後來約你。嵒嶽容。月夜呈吾禪悅。窓

太秦廣隆寺奉拜上宮太子聖像歌

秦政求藥徒苦思。曾向神州精魂馳。多少歲月未休歇。終驚龍眠。迫御帷。初瀬川上雨餘水。流奇童子。瓊瑩裡。華族舉之帝夢之。莞爾其顏太端美。夢中分明說前身。長登三台。賜姓秦。歷事五朝。殫忠烈。最後努彌。聖德君和。藥鹽梅。綠相稱。引君創寺。臣川勝地。曰太秦寺。廣隆。名山護境。西北亘地勢元自。超凡區。松杉參天。千萬株。風談般若。清聲響。聲唱妙法。幽鳥娛。三月賞花。人絡繹。皆捧香火。問垂迹。吾是一河流。末客。洪澤何時。報涓滴。尋春此日。謁仙關。因中聖像宛如存。嗚呼吾。朝釋典之興隆。以君為木鐸。敝冕至今。進帝鈞。勝公謚。神側安置。唱然連。感古意。咸陽富榮脆。空華蜀山驕。奢屬眩。曠堪賞。秦政意馬渡。扶桑為吾法門。作金湯。况復轉換。不老不死。念歸向不生不滅鄉。

登醍醐山一名深雪山

深雪山高。厚昊宵。松杉鑿上白雲。覆冷襟坐。訝登仙去。異鳥啼過。梵語中。

偶作



曾縛<sub>レ</sub>蒿蓬<sub>レ</sub>信<sub>レ</sub>真<sub>レ</sub>率<sub>レ</sub>。幽<sub>レ</sub>栖<sub>レ</sub>最好<sub>レ</sub>。晚<sub>レ</sub>春<sub>レ</sub>日<sub>レ</sub>。香<sub>レ</sub>風<sub>レ</sub>入<sub>レ</sub>。塵<sub>レ</sub>鳥<sub>レ</sub>聲<sub>レ</sub>多<sub>レ</sub>。小<sub>レ</sub>雨<sub>レ</sub>洗<sub>レ</sub>。塵<sub>レ</sub>苔<sub>レ</sub>翠<sub>レ</sub>密<sub>レ</sub>。時<sub>レ</sub>倚<sub>レ</sub>窗<sub>レ</sub>。獨<sub>レ</sub>曲<sub>レ</sub>肱<sub>レ</sub>。又<sub>レ</sub>招<sub>レ</sub>山<sub>レ</sub>客<sub>レ</sub>。俱<sub>レ</sub>支<sub>レ</sub>膝<sub>レ</sub>。同<sub>レ</sub>盟<sub>レ</sub>若<sub>レ</sub>問<sub>レ</sub>。把<sub>レ</sub>茅<sub>レ</sub>事<sub>レ</sub>。砌<sub>レ</sub>竹<sub>レ</sub>溪<sub>レ</sub>樓<sub>レ</sub>書<sub>レ</sub>一<sub>レ</sub>映<sub>レ</sub>。冒<sub>レ</sub>雨<sub>レ</sub>飄<sub>レ</sub>。風<sub>レ</sub>燕<sub>レ</sub>子<sub>レ</sub>忙<sub>レ</sub>。水<sub>レ</sub>涵<sub>レ</sub>田<sub>レ</sub>。勝<sub>レ</sub>綠<sub>レ</sub>新<sub>レ</sub>秧<sub>レ</sub>。市<sub>レ</sub>塵<sub>レ</sub>隔<sub>レ</sub>斷<sub>レ</sub>三十<sub>レ</sub>里<sub>レ</sub>。我<sub>レ</sub>愛<sub>レ</sub>山<sub>レ</sub>村<sub>レ</sub>夏<sub>レ</sub>日<sub>レ</sub>長<sub>レ</sub>。

分<sub>レ</sub>花<sub>レ</sub>塢<sub>レ</sub>夕<sub>レ</sub>陽<sub>レ</sub>遇<sub>レ</sub>爲<sub>レ</sub>韻<sub>レ</sub>。余<sub>レ</sub>得<sub>レ</sub>夕<sub>レ</sub>字<sub>レ</sub>。

杖<sub>レ</sub>頭<sub>レ</sub>到<sub>レ</sub>。處<sub>レ</sub>皆<sub>レ</sub>芳<sub>レ</sub>席<sub>レ</sub>。飽<sub>レ</sub>弄<sub>レ</sub>春<sub>レ</sub>風<sub>レ</sub>猶<sub>レ</sub>未<sub>レ</sub>夕<sub>レ</sub>。一<sub>レ</sub>徑<sub>レ</sub>青<sub>レ</sub>莎<sub>レ</sub>間<sub>レ</sub>。塢<sub>レ</sub>花<sub>レ</sub>滿<sub>レ</sub>。黃<sub>レ</sub>菜<sub>レ</sub>界<sub>レ</sub>。塵<sub>レ</sub>麥<sub>レ</sub>。游<sub>レ</sub>絲<sub>レ</sub>紅<sub>レ</sub>。露<sub>レ</sub>節<sub>レ</sub>。晴<sub>レ</sub>明<sub>レ</sub>。肥<sub>レ</sub>馬<sub>レ</sub>輕<sub>レ</sub>。裘<sub>レ</sub>人<sub>レ</sub>絡<sub>レ</sub>繚<sub>レ</sub>。幽<sub>レ</sub>癖<sub>レ</sub>村<sub>レ</sub>僧<sub>レ</sub>禁<sub>レ</sub>不<sub>レ</sub>得<sub>レ</sub>。尙<sub>レ</sub>追<sub>レ</sub>斜<sub>レ</sub>照<sub>レ</sub>移<sub>レ</sub>禪<sub>レ</sub>屐<sub>レ</sub>。

久霖初晴書喜

淫<sub>レ</sub>雨<sub>レ</sub>敲<sub>レ</sub>窓<sub>レ</sub>霧<sub>レ</sub>襲<sub>レ</sub>床<sub>レ</sub>。醉<sub>レ</sub>陶<sub>レ</sub>日<sub>レ</sub>日<sub>レ</sub>廢<sub>レ</sub>詞<sub>レ</sub>章<sub>レ</sub>。睡<sub>レ</sub>多<sub>レ</sub>連<sub>レ</sub>見<sub>レ</sub>。寤<sub>レ</sub>詩<sub>レ</sub>價<sub>レ</sub>量<sub>レ</sub>淺<sub>レ</sub>。却<sub>レ</sub>思<sub>レ</sub>投<sub>レ</sub>醉<sub>レ</sub>鄉<sub>レ</sub>。隔<sub>レ</sub>竹<sub>レ</sub>蛙<sub>レ</sub>鳴<sub>レ</sub>知<sub>レ</sub>。早<sub>レ</sub>秧<sub>レ</sub>抽<sub>レ</sub>。垣<sub>レ</sub>林<sub>レ</sub>影<sub>レ</sub>認<sub>レ</sub>新<sub>レ</sub>篋<sub>レ</sub>。吟<sub>レ</sub>眸<sub>レ</sub>喜<sub>レ</sub>得<sub>レ</sub>今<sub>レ</sub>朝<sub>レ</sub>。露<sub>レ</sub>洗<sub>レ</sub>出<sub>レ</sub>西<sub>レ</sub>山<sub>レ</sub>煙<sub>レ</sub>樹<sub>レ</sub>蒼<sub>レ</sub>。書<sub>レ</sub>窓<sub>レ</sub>闕<sub>レ</sub>寂<sub>レ</sub>對<sub>レ</sub>嵐<sub>レ</sub>山<sub>レ</sub>。久<sub>レ</sub>雨<sub>レ</sub>更<sub>レ</sub>無<sub>レ</sub>人<sub>レ</sub>叩<sub>レ</sub>關<sub>レ</sub>。雲<sub>レ</sub>散<sub>レ</sub>朝<sub>レ</sub>來<sub>レ</sub>始<sub>レ</sub>歸<sub>レ</sub>。軸<sub>レ</sub>無<sub>レ</sub>端<sub>レ</sub>逢<sub>レ</sub>著<sub>レ</sub>笑<sub>レ</sub>屏<sub>レ</sub>顏<sub>レ</sub>。久<sub>レ</sub>雨<sub>レ</sub>初<sub>レ</sub>收<sub>レ</sub>。凄<sub>レ</sub>曉<sub>レ</sub>風<sub>レ</sub>橫<sub>レ</sub>。簷<sub>レ</sub>峰<sub>レ</sub>影<sub>レ</sub>尙<sub>レ</sub>空<sub>レ</sub>濼<sub>レ</sub>。睡<sub>レ</sub>眸<sub>レ</sub>喜<sub>レ</sub>拭<sub>レ</sub>西<sub>レ</sub>窓<sub>レ</sub>下<sub>レ</sub>。月<sub>レ</sub>落<sub>レ</sub>疎<sub>レ</sub>鐘<sub>レ</sub>幽<sub>レ</sub>霧<sub>レ</sub>中<sub>レ</sub>。

新竹

猗<sub>レ</sub>猗<sub>レ</sub>挺<sub>レ</sub>挺<sub>レ</sub>已<sub>レ</sub>過<sub>レ</sub>牆<sub>レ</sub>。澄<sub>レ</sub>露<sub>レ</sub>影<sub>レ</sub>浸<sub>レ</sub>貯<sub>レ</sub>翠<sub>レ</sub>光<sub>レ</sub>。茅<sub>レ</sub>宇<sub>レ</sub>夜<sub>レ</sub>深<sub>レ</sub>。猷<sub>レ</sub>子<sub>レ</sub>屋<sub>レ</sub>簷<sub>レ</sub>居<sub>レ</sub>盡<sub>レ</sub>冷<sub>レ</sub>。孝<sub>レ</sub>王<sub>レ</sub>牀<sub>レ</sub>清<sub>レ</sub>娟<sub>レ</sub>高<sub>レ</sub>逸<sub>レ</sub>。榮<sub>レ</sub>枯<sub>レ</sub>表<sub>レ</sub>虛<sub>レ</sub>靜<sub>レ</sub>遙<sub>レ</sub>。逃<sub>レ</sub>福<sub>レ</sub>福<sub>レ</sub>鄉<sub>レ</sub>。最<sub>レ</sub>是<sub>レ</sub>蒸<sub>レ</sub>炎<sub>レ</sub>三<sub>レ</sub>伏<sub>レ</sub>日<sub>レ</sub>。凄<sub>レ</sub>颯<sub>レ</sub>曳<sub>レ</sub>出一<sub>レ</sub>簾<sub>レ</sub>涼<sub>レ</sub>。一<sub>レ</sub>日<sub>レ</sub>不<sub>レ</sub>可<sub>レ</sub>無<sub>レ</sub>此<sub>レ</sub>君<sub>レ</sub>。禪<sub>レ</sub>餘<sub>レ</sub>對<sub>レ</sub>汝<sub>レ</sub>洗<sub>レ</sub>心<sub>レ</sub>紛<sub>レ</sub>。封<sub>レ</sub>侯<sub>レ</sub>千<sub>レ</sub>戶<sub>レ</sub>還<sub>レ</sub>。何<sub>レ</sub>羨<sub>レ</sub>氣<sub>レ</sub>韻<sub>レ</sub>軒<sub>レ</sub>軒<sub>レ</sub>自<sub>レ</sub>逸<sub>レ</sub>群<sub>レ</sub>。

題<sub>レ</sub>南<sub>レ</sub>泉<sub>レ</sub>新<sub>レ</sub>猫<sub>レ</sub>圖<sub>レ</sub> 以下題贊銘。係<sub>レ</sub>丁<sub>レ</sub>巳<sub>レ</sub>。至<sub>レ</sub>龜<sub>レ</sub>山<sub>レ</sub>進<sub>レ</sub>理<sub>レ</sub>會<sub>レ</sub>中<sub>レ</sub>作<sub>レ</sub>。

咄<sub>レ</sub>哉<sub>レ</sub>王<sub>レ</sub>老<sub>レ</sub>師<sub>レ</sub>。衰<sub>レ</sub>蓬<sub>レ</sub>心<sub>レ</sub>彌<sub>レ</sub>悖<sub>レ</sub>。不<sub>レ</sub>願<sub>レ</sub>傍<sub>レ</sub>觀<sub>レ</sub>醜<sub>レ</sub>。漫<sub>レ</sub>存<sub>レ</sub>抵<sub>レ</sub>特<sub>レ</sub>愛<sub>レ</sub>。豈<sub>レ</sub>一<sub>レ</sub>種<sub>レ</sub>此<sub>レ</sub>聲<sub>レ</sub>無<sub>レ</sub>限<sub>レ</sub>意<sub>レ</sub>。有<sub>レ</sub>堪<sub>レ</sub>聞<sub>レ</sub>有<sub>レ</sub>不<sub>レ</sub>堪<sub>レ</sub>聞<sub>レ</sub>。

題<sub>レ</sub>案<sub>レ</sub>山<sub>レ</sub>子<sub>レ</sub>圖<sub>レ</sub>

誰<sub>レ</sub>穿<sub>レ</sub>七<sub>レ</sub>竅<sub>レ</sub>混<sub>レ</sub>沌<sub>レ</sub>死<sub>レ</sub>。不<sub>レ</sub>宰<sub>レ</sub>元<sub>レ</sub>來<sub>レ</sub>樹<sub>レ</sub>太<sub>レ</sub>功<sub>レ</sub>。何<sub>レ</sub>日<sub>レ</sub>更<sub>レ</sub>逢<sub>レ</sub>賞<sub>レ</sub>音<sub>レ</sub>客<sub>レ</sub>。襤<sub>レ</sub>袍<sub>レ</sub>破<sub>レ</sub>笠<sub>レ</sub>立<sub>レ</sub>秋<sub>レ</sub>風<sub>レ</sub>。

文<sub>レ</sub>殊<sub>レ</sub>大<sub>レ</sub>士<sub>レ</sub>贊<sub>レ</sub>二<sub>レ</sub>首<sub>レ</sub>

大<sub>レ</sub>智<sub>レ</sub>無<sub>レ</sub>相<sub>レ</sub>。我<sub>レ</sub>我<sub>レ</sub>頓<sub>レ</sub>離<sub>レ</sub>。風<sub>レ</sub>拂<sub>レ</sub>湍<sub>レ</sub>水<sub>レ</sub>。月<sub>レ</sub>移<sub>レ</sub>高<sub>レ</sub>枝<sub>レ</sub>。

題<sub>レ</sub>山<sub>レ</sub>水<sub>レ</sub>圖<sub>レ</sub>

細<sub>レ</sub>浪<sub>レ</sub>搖<sub>レ</sub>虛<sub>レ</sub>碧<sub>レ</sub>。薰<sub>レ</sub>風<sub>レ</sub>入<sub>レ</sub>亂<sub>レ</sub>青<sub>レ</sub>。輕<sub>レ</sub>舟<sub>レ</sub>誰<sub>レ</sub>掉<sub>レ</sub>去<sub>レ</sub>。欸<sub>レ</sub>乃<sub>レ</sub>響<sub>レ</sub>冷<sub>レ</sub>冷<sub>レ</sub>。

題<sub>レ</sub>三<sub>レ</sub>布<sub>レ</sub>子<sub>レ</sub>圖<sub>レ</sub>

布<sub>レ</sub>子<sub>レ</sub>大<sub>レ</sub>小<sub>レ</sub>。誰<sub>レ</sub>能<sub>レ</sub>分<sub>レ</sub>明<sub>レ</sub>。目<sub>レ</sub>瞪<sub>レ</sub>口<sub>レ</sub>呿<sub>レ</sub>。不<sub>レ</sub>許<sub>レ</sub>獨<sub>レ</sub>行<sub>レ</sub>。

題<sub>レ</sub>牧<sub>レ</sub>牛<sub>レ</sub>圖<sub>レ</sub>

錄<sub>レ</sub>索<sub>レ</sub>曳<sub>レ</sub>將<sub>レ</sub>斷<sub>レ</sub>。汝<sub>レ</sub>牛<sub>レ</sub>太<sub>レ</sub>不<sub>レ</sub>純<sub>レ</sub>。如<sub>レ</sub>何<sub>レ</sub>制<sub>レ</sub>奔<sub>レ</sub>逸<sub>レ</sub>。我<sub>レ</sub>有<sub>レ</sub>黑<sub>レ</sub>繩<sub>レ</sub>繫<sub>レ</sub>。

題<sub>レ</sub>行<sub>レ</sub>脚<sub>レ</sub>僧<sub>レ</sub>圖<sub>レ</sub>

丁巳夏。吾友溪之慈圓上座。遠自備之曹源會上來。掛錫于鼻山。連環會。以炳法盟。制了將下山。叩弊庵告別。且出此書求題辭。其意在欲普就五山舊談。諸哲頌錦。腸繡口。是又撥脚游中之一佳與。甚可掬矣。予追感舊游。不能固辭。題小語。塞實兼充。送行。是所謂耽練在前者也。呵呵。

君家好景屬秋風。相伴送來嵐峽中。何日又談花月事。與吾同倚薛蘿櫺。

落葉

山房秋淺尚炎威。行樂佳期屢易違。窗外梧桐堪慰我。憐看一葉帶涼飛。開窓驚雨半相推。秋蝶訝花飛。又疑最是山房涼。暮一泓。石鼎下茶時。

雪意

欲雪奇。暄晚未晴。雲蒸窓外寂無聲。前宵已爲一陽復。恐有天公。授玉英。

奉次韻無著師翁。歲首上堂。尋偶同榻。晚名金剛。

掌握金剛王寶劍。一音演定舊新煙。清平堪仰春風面。又似羲皇以上年。

賀備之大龍晦堂和尚轉位。法山第一座。

騰龍門雲表翔。大人相貌果堂堂。期看正法海中。水捲起慈霖。灑滌芳。

遊桃山

豐公官址偶追尋。滿界紅桃春色深。早晚東風見綠亂。對花憶起替衰心。

萬山鳩峰和尙。於法緣與余伯仲之間也。今茲戊午二月。侍養春長老之法興。將赴對州。海路長遠。况春寒尙在。勞鄙懷何。際雖然此行也。縱天末之壯觀。遠桑弧

之和志。則亦可飲羨之盛舉也。仍裁燕辭呈蓬窓下。以充旅况之荒具。

從事法興。向塞天。壯游可羨冠餘年。鳧川水。單春聲送。鳩嶺雲。隨行色。鮮羣社。久要詩

一首。海涯想像路三千。他時筆研有公暇。咏與大溪孤島烟。

讀五柳先生傳

衡門滿灑素清貧。無限風光五柳春。詩酒外邊有餘地。孔顏落處一同人。

獨夜聞子規

茅門寂寞鎖青山。溪口雲遮無客攀。纖月上窓僧入定。一聲杜宇薛蘿間。

洗心亭納涼。分水亭涼氣多得水字

飽飯香松萬斛涼。前溪又掬清湍水。雖尖經雨。菱菱嫩。蓋影籠烟。菡萏美。欄外山香舊

主盟。峯頭月是新知己。風流百物一時呈。忘却人間三伏裡。

鴨江夜歸

貪涼江畔洗炎蒸。人定東山月未升。街路蕭條誰伴我。數聲甘菊擲紅燈。

殘熱

茅簷日午絕微風，吟起青莎葉底，蛩。寒意不知秋已立。尙留餘熱，弄奇峯。

佛谷山東禪寺開基古靈大和尚一百五十年遠諱拈香代人

古佛靈光曾不滅。歷然一百五十年。山嵐籠霧。秋色野鳥呼晴。弄午烟。

悼太嶺長老遷化 穴生金剛寺主。前任三圖。雙寺在丹波龜山。西。

太嶺頭。弓梁木倒。秋風滿野正黃昏。蕭然只剩金剛眼。月黑龜山城外村。

鳩峯和尚寄對島漫詠一律步韻代復東

法興爲國客邊關。筆硯幸安清史班。鴻鵠君傳千里信。鶴鷄我守一枝閑。躬經溟渤輕塵芥。職輔大任一重泰山。期見腹收韓海寶。揚揚意氣指東還。

雨中。三條橋東。奉送無著師翁之東武。獻中經。獻岳。

繚亂雨華宛似絲。法興仙仗始開時。登湖逢雲紫袍暖。蘇峽入秋楓錦滋。獻嶽曙光昇

絳閣。武城瀕氣。禮丹堦。台榭爲有恩榮。選一百餘程。勸老之。

拜別而還途中作

雨華如織畫空濛。數住泥鞋想像中。關路天長雲暎影。湖山寒動暮秋風。康強深喜師

無恙。衰弱却羞吾抱癯。 于近日 近日小春好時節。歸囊分賜錦楓紅。

除夜會友明登有三乘與之贈。故結一旬及。

掃盡羣寇研匣塵。年除惜臘會同人。文房樂事梅薰座。禪舍幽情茶作隣。圓頂不關兵革說。健齡只有酒尊親。休嗤野衲長乘輿。明歲何邊又問津。

盡三十日日將低。梅柳待春媚舊樓。今夜幸談嵐峽下。明年定醉海雲西。佗鄉消息情旋遠。故國風煙夢預迷。把酒會友須微曉。一千里外與誰携。

安政己未歲旦二首。無著丈室有上堂。頌故三四及。

官寺三元曉。莊嚴絕世埃。頌春調如玉。演法韻於梅。愁與舊陰去。慶隨新歲來。自今有餘暇。窓戶爲花開。

奉次韻無著師翁上堂尊偈

巖沃醜醜肥道貌。廣長舌上走雷雲。個中堪仰新鮮句。赤肉團頭調御君。

安政己未春。余在峩阜。瑞應院受防之嚴。國永興之請。發錫口占

自胡亂去若干年。古教照心也兩全。朝嘯春花嵐峽翠。夕吟秋月堰江烟。枯禪知己老楊枝。美景賞音僧皎然。鉏斧再提天外赴。向人莫說數移遷。

三秀玉潭和尚送。至于浪花鱖河港。宿蓬窓。翌曉臨別賦呈。

十里送予趁韶風。滿胸心事倚君空。船舷分袂互相望。欸乃數聲曉霧中。

攝洋偶作

浪花江上暗中過。兩岸春風漁棹歌。海面晴波清似鏡。一爐香影禮摩耶。聆蕩韶風波浪揚。梅鄉在近送餘香。篷窗春暖心無事。誦起蓮經序品章。

多度津港

幾重峻灘容易過。嘔啞入夢語聲譁。侍童覺我報茶禮。多度津頭海月斜。

上象頭山

降神觀畔曉氤氳。杉樹掩空天語聞。百拜捧經歡不徹。香烟晴送萬重雲。

新港

法任職重弓帆輕。海碧山青慰我行。稽首象峰本光瑞。神風吹送一千程。

晉山翌日口占

脫擔穩坐永與中。一掃從前寒苦空。恩渥自慚才德薄。爲君只祈武雄風。

三月朔日夜夢乘明月趁清風而逍遙于山水之間翌旦太守公召見歸後書

喜

山野等閑謁大侯。汪洋巨海納纖流。無端原了夜來夢。明月清風會一州。

大檀君再建庫厨上梁慶讚

今茲安政己未二月山野應聘東來始見庫厨柱梁傾頹岌岌乎難支慘然有愁焉傳聞往歲地震爲祟爾來舊山主欲力起其廢頹捧書於官廳愁訴切願之久三換主而官不許可之乃至先主中邦庸公便願求固辭本職昇位之勸雖以其費充再建之資因茲官似許可之而猶未決因循三年于今他去我來竊意隨隨又延幾年豈圖枯節登嶠之翌月悉降公命以就經營不數月遂上梁木焉嗚呼時哉古不言時之未至也雖巨力任乏而弗就時之既至也綿力舉之而克成且諸佛之出世待三緣和合而行一者人天和合二者時節和合三者所住和合也就中人天時節尤爲緊要矣既是三山主之懇求切願而不成矣今以大檀君一念願速奏上梁之歡者不是人天時節兩和合成熟乎山僧不勝歡躍乃打小偈以慶讚簡一段盛事伏願

大檀君身宮安樂武運增長永作皇家保屏兼爲佛法金湯賜雨以時萬民樂業次冀山門香積掃蕩魔祲與隆宗猷養育海衆永喫禪悅食及三途苦趣六道群生乘此善因悉皆解脫同圓種智偈曰

人天時節起傾頹。香積界中春再回。拜謝君恩有些子。燈籠露柱舞三臺。

余近晉山。席未及暖。又赴雲州廣瀨城安寺。聚會。未派。諸和尙皆送至海岸。篙子  
艤船。新造也。只以始載。吾爲吉兆云。船中甚淨潔。是第一段之快事也。此日好晴  
海碧。山青。眺望佳絕。清風送船。拂吹醉面。是第二段之快事也。山內無一箇病  
僧。派中無一人不隨喜。皆翕然而來。遠送至船。盡醉而別。是第三段之快事也。把  
酒祝篙子。醉。余亦陶然。坐船腹。豈不愉快乎。申天之餘。綴小句自嘲。  
三段快哉。歸一身。清風吹送。草津濱。孔筵墨突。自堪笑。又作栖栖奔走人。  
鍾道騎白澤圖。以下題贊雜語。係雲陰會中作。

二鼠相撲圖

黑白二鼠。相抗角力。白表正念。黑示邪惑。二六時中。一失一得。若有箇漢。忽拋黑賊。正  
念旺內。魔障永熄。諸佛諸天。歡喜難測。福祿編湊。是日大黑。

懶瓚和尚煨芋圖

十年宰相一丸芋。午糞堆中味正幽。勅使來尋不拭涕。依然占得雷風流。

題龍淵窟

龍淵窟者。葦津隆和尚弘法之室號也。予北游之次。應寺主之需。聊留小偈。

領下。真珠得最難。龍淵惡毒臭痕殘。商量久響劍鋸手。今日無人惹氣寒。

關山圖師牧牛圖

藏身牛後。自得徜徉。終露巴尾。敗關一場。嘆萬古仰看法山月。一年多似一年光。

今茲安政己未四月一日。丹後州磯村。漁人二十一員。遇颶風。溺死於北海。同州  
峰山僧戒禪人哀其兄之死。欲歸山修水陸會。就予求香語。卒書與之。

刺刺塵塵寂光土。二十一位脫迷纏。堪看末後活三昧。風捲波瀾上梵天。釣罷歸來  
不繫船。江村月落正堪眠。

莊周夢蝶圖

驚殺人間長醉眠。卻占幽夢古今傳。多年將謂放言漢。這裡始知君覺然。

下雲龍山城安主席以臥龍爲室圖

偶爾飛來山幾重。臥龍眠處伴薰風。等閑又去巖前路。一片白雲不住蹤。

中邦和尚小祥忌拈香

箇箇擔版漢可憐生。文事通吾交態情。豈計如今拈柴片。嶺松庭竹亦秋聲。雖然與麼和  
尙別有轉身處。東家爲驢。西家爲馬。去何故。丈夫自有衝天氣。不向如來行處行。咄。

中秋游松巖院賦贈閑栖松滿翁并引

翁字月溪。藍田瑤長老之徒也。今茲八十二齡。猶矍鑠。性嗜山水。又善書。吾門一偉人矣。初春來住永興。尋有雲陰行。未嘗違訪翁。頃日新命得應師特來堅請。且勸以觀月之興。因剋中秋。乃拉從者三四員而赴。此日也。天氣朝晴。涼風颯爽。杖屨太輕。日間山水之清游。夜後玩月之逸興。近年來所未曾有也。不禁喜躍。話次草卒。間書數句以申謝忱。

鍾秀溪深。偃蹇橫。隱翁八十揖予迎。奇巖幽樹園三畝。香茗美糕燈一檠。妙悟笑書看月。偈風流喜語愛山情。高僧樂事真堪貴。忘世機兼忘死生。

題田邊好道像

合成四大始看形。四大分離幻夢醒。七十一年無一物。風烟吹斷數峯青。

榮芳院殿梅窓春夢大姉廿五年拈香

曾從截斷線絲紅。二十五年春夢中。一念增羹難忍處。老僧遲倒卒陀宮。

到大山福城寺途中以下五首題末偶作

蕭寺村村結竹關。野溪窈窕水潏潏。與窓也好雨中望。雲霧開遮奇嶮山。

高山寺席上口占寺在防州伊陸村

歷訊精靈到此間。相迎呈笑主人顏。連朝苦屈與窓雨。今晚快觀冰室山。待我珍羞知

意。至謝他野作倚情。關祖先塔所皆消禮也。有蒼生慰旅閑。永興寺舊額在伊陸村。民家凡三十軒。依例許賜。故末句及。

大島松尾寺看月時會九月十三夜

未忘鍾山三五興也。登萬嶽弄清光。賞心自別孤峰月。松堂一夜搜枯腸。

大島途中

候調海嶼絕秋陰。隨畝風冷鳴野禽。村叟頻詩新富貴。蒼花如玉稻如金。

宿小栗林安樂寺夜話示住僧嘉蔭

山陰既是占嘉遯。其上休求卜隱棲。切斷東坡開闢好。何尤居易舊時迷。

爲森脇宗古居士

自性湛然法海中。回頭大地是真空。涅槃一著果。何物風攪霜林送落楓。

爲森脇宗勇居士

英才勇機歷阿菴。書劍芳名在自家。可惜夜來風吹去。無端搖落盛開花。

碧巖錄開卷

百則鑄成鐵公案。夾山乳竇共冤家。拈來爲試新爐鞴。鎚下何時見莫耶。

開祖忌拈香

五百年來沒蹤跡。餘些子續焰芳。飛楓颯沓橫山下。錦水流秋赤夕陽。

今田介石大夫第觀楓

醉心楓樹送斜暉。一半彩雲落玉扉。更喜名園無俗客。人人襟袖帶紅歸。

同 席上聯句

邱居隔市開於寺。著眼禪話驚聽銳。似雷有。福四箇。秀才兩破衲。境沈香火底坐。傾杯。宮。莊。

亮功院殿十七回諱拈香

法窟三玄作戈甲。武門一代稱英雄。仰看面目嚴然在。凜冽栗肌霜雪風。嘆伏惟大居士。尊體萬福。法壽無窮。

頌梅農院寒月皎然法號

斜倚巖阿梅一樹。香風花影得天真。更和皎潔寒宵月。托出本來淨法身。

靜一菴歌

識得大靜。閑事畢。識得大。一百事畢。黃昏子半夜成。向西方。看日出。觀音。睡元來雙。受殊大士本來痴。靜自開來靜。莫亦守。一忽作。二。一何可持。佛佛印之。祖祖傳之。直下。會即獅子兒。

題環中機和尚真

游泳普門。層學海。討幽探。賦七十年。忽和圓覺妙場。夢。兔角。龜毛。過太子。

元日早晨聽鶯口占

翠翠雷鼓動清晨。既拈寶香祝紫宸。更有金衣來弄曲。敝袍占得十分春。

答境蓮翁居士述懷後歌

歌云。聞婆憂志。言婆怖志。世乃中乃。波風凌。身遠。伊加爾世武。

人世風波一渺漫。前波已沒後波濶。個中別有好思惟。居士何成風浪看。

題小堀遠州公圓相像

參得郝翁些子玄。孤蓬庵裡樂安禪。臯川風月敲山翠。附與圓窓一味傳。世人不知無限風流。以秒長短評老遠州。

題陶潛歸去圖

解綬投簪還舊闕。籬邊把酒見南山。可知箇叟樂天處。不在金英些子間。

早春與蔬翁居士散步西野遂入翠深居喫茶

山寺春猶淺。陰行叩翠深。忽聽松籟入。別有梅花深。

爲大智上座

昨夜毘嵐毫末盡。本來大智絕編禪。堪看却火洞然裏。既領威音那畔春。

南華夢蝴蝶圖

周是非蝶。蝶本周。詡詡然，與遽遽然。若會得吾屋裡事，可可知地。知然不然。為森鵲源三郎。

生死相應，如捨荷。人間多，是附。歎嗟。曉鶯啼破山窓，夢屋後闌珊。昨日花。

管谷長老七回忌拈香

曉破閑眠，送梅雨。山林潤足，石榴緋。七年呈露，舊公案。好向乃翁語秘機。雖然與麼。即今正當供養底，一句作麼生舉。人行如人，鳥飛似鳥。咦。

誕生忌

七步周行，手脚忙。直臻今日，惹餘殃。九龍洗，臭臭無盡。又費永興一杓湯。

藤花

蔓蘿作，蓋綠新鮮。紫萼如雲影，麗娟。二十四番風過後，有斯花。獨繫春煙。

碧巖錄殘講開卷

沾矣百擔，膠盆子。夾山弄得轉風流，諸人瞎却雙眸。看箇箇實珍，不易求。

盤山，燭仙和尙。今夏將移住于北越之瑞龍。一日被狂顧鼻山出笏，請書一轉語。祈雖不似聊為書光寒二字，以證道交之非常。乃礎寒字，成拙頌。祝行色之盛美。

云。

洞上，瀟瀟與正闌。竿頭幾處弄清瀾。如今放擲北溪外，千尺釣絲映月寒。曾起洞泉一脉裡，掣雲直捲活波瀾。忽然化作瑞龍去，滿海腥風意氣寒。

南泉斬猫圖

殺人劍矣活人刀。欲欲寒霜天地耀。掩耳偷鈴王老師。至今猶剩一場笑。

七月六日大施餓鬼拈香

盡大乾坤寶樓閣。何邊更復有飢人。桶中香飯盤中水。無限清風滿九垓。

庚申雨安居拜讀碧巖錄至末後句講了

末後句今為君說。巖頭密啓響如雷。任佗同死同生事。附與乳峯歸去來。

施餓鬼拈香

水中叫渴暗昏人。飽裡悲飢迷倒身。我為老婆心太切。盤泉桶飯結正因。雖然與麼畢。竟以甚為據。黃金鑄就玉鸚鵡。一聲聲作鷓鴣鳴。

香中邦和尙大祥忌

咄箇掠虛頭，老漢知。而故犯為藤禪。山僧罵倒三周歲。雪屈即今一瓣煙。

維摩居士像



箇，不可思議，老漢善吐不可思議言。且道居士道什麼。大辯如訥，聞難聞。咦。渭北  
春天，樹江東日暮雲。

初祖忌

悲願深重，示現身。迢迢凌派，救迷津。髓皮骨肉既分了。一物僅餘是甚人。

碧巖發講開卷自趙州石橋則始

從曾開卷既周年。舉了巖頭末後緣。今日趙州又下手。度驢度馬願無邊。

開祖忌拈香

吸盡龍淵濟沸泉。傳來瓜跌聯綿禪。今擎一瓣懷當日。風粟通身落葉天。雖然如是。且  
道開祖入滅端的如何委悉去。兔馬有角。牛羊無角。絕毫絕釐。如山如嶽。露。

謙光院殿二十五回忌宿諱拈香

即心即佛太漫汗。非心非佛亦無端。高風憶起廿餘歲。一段謙光毛骨寒。

蒼龍廣錄卷之四畢

